


繫辭  
說卦  
序卦  
雜卦  
下

周易  
十三





周易傳義大全卷之二十三

繫辭下傳

八卦成列象在其中矣因而重之爻在其中矣

龍重反

本義成列謂乾一兌二離三震四巽五坎六


艮七坤八之類象謂卦之形體也因而重之

謂各因一卦而以八卦次第加之為六十四

也爻六爻也既重而後卦有六爻也朱子曰

以成列乃是從太極兩儀四象漸次生出以至於此畫成之後方見其有三才之象非聖

人因見三才遂以已意思惟而連重三爻以象之也因而重之亦是因八卦之已成各就





周易傳義大全卷之二十三

繫辭下傳

八卦成列象在其中矣因而重之爻在其中矣

重直  
龍反

**本義**成列謂乾一兌二離三震四巽五坎六

艮七坤八之類象謂卦之形體也因而重之

謂各因一卦而以八卦次第加之為六十四

也爻六爻也既重而後卦有六爻也朱子曰

以成列乃是從太極兩儀四象漸次生出以至於此畫成之後方見其有三才之象非聖

人因見三才遂以已意思惟而連畫三爻以象之也因而重之亦是因八卦之已成各就



上面節次生出若旋生逐爻則更加三變方  
成六十四卦雖有遲速之不同然皆自漸次  
生出各有行列次第畫成之後然後見其可  
盡天下之變然後別生計較又并畫上三爻以  
盡之也此等皆是作易妙處方其畫時雖是  
聖人亦自不知裏面有許多巧妙奇特直是  
要人細心體認不可草草立說○問八卦成  
列只是說乾兌離震巽坎艮坤○先生解云之  
類如何曰所謂成列者不止只論此橫圖若  
乾南坤北又說兌離震之象未說到天地雷風  
是乾兌離震之象未說到天地雷風震否曰  
是然八卦離震之象未說到天地雷風震否曰  
又問成列是自一奇一耦畫到三畫處其中  
逐一分便有乾兌離震之象否曰是○南軒  
張氏曰謂在其中者言非自外至也○童溪  
王氏曰聖人因象以設卦則象在卦先設卦  
以立象則象在卦中



剛柔相推變在其中矣繫辭焉而命之動在其中矣

**本義**

剛柔相推而卦爻之變往來交錯无不

可見聖人因其如此而皆繫之辭以命其吉

凶則占者所值當動之爻象亦不出乎此矣

或問變字是總卦爻有往來交錯者言動字是專指占者所值當動底爻象而言否朱子曰

變是就剛柔交錯而成卦爻上言動是專主當占之爻言如二爻變則占者以上爻為

主這上爻便是動處如五爻變一爻不變則占者以不變之爻為主則這不變者便是動

處也○節齋蔡氏曰剛柔爻之體相推謂剛推柔柔推剛也唯其相推故能成其變繫辭

爻象之辭即其變而命之故能鼓其動也

繫辭下

月九事義八全二一三

二



吉凶悔吝者生乎動者也

**本義** 吉凶悔吝皆辭之所命也然必因卦爻

之動而後見朱氏中行曰吉凶悔吝生乎動者主動爻而言也如情偽相感

遠近相取好惡相攻皆是動也○雲峯胡氏曰八卦成列即先天八卦橫圖也因而重之

六十四卦橫圖也象非特天地山澤之類即八卦之畫成列而象即在畫矣未動之先有

八卦之畫而未見八卦之交也因而重之爻在其中者爻之為言交也有交則有變故剛

柔相推而變在其中變統指卦爻而言動專指所值之變爻而言也繫辭焉而命之則文

王周公之易也○臨川吳氏曰此承前篇卒章言著卦之象辭變占曰在其中者凡四一

象二爻三變四動爻者辭也動則有吉凶悔吝之占焉前篇動者尚其變而此以動屬占

者動因變而得占也

而得占也



剛柔者立本者也變通者趣時者也趣七

**本義** 一剛一柔各有定位自此而彼變以從

時朱子曰此兩句亦相對說剛柔者陰陽之質是移易不得之定體故謂之本若剛變

為柔柔變為剛便是變通之用又曰變通便只是其往來者○節齋蔡氏曰剛柔者變通

之本體變通者剛柔之時用○雲峯胡氏曰上繫曰剛柔者晝夜之象即此所謂立本日

變化者進退之象即此所謂趣時卦有卦之時爻有爻之時立本者天地之常經趣時者

古今之通義○臨川吳氏曰剛柔之畫其體一定如木本之植立因著之變其用相通隨

時所遇趨而就之剛或化柔柔或化剛也此承剛柔相推變在其中之語而言著之變也

吉凶者貞勝者也

**本義** 貞正也常也物以其所正為常者也天



下之事非吉則凶非凶則吉常相勝而不已

也朱子曰貞只是說他體處常如此○貞常也陰陽常只是箇相勝如子以前便是

夜勝也這一句最好看這箇物事常在這裡相

勝一箇吉便有一箇凶在後面來這兩箇不

是一定住在裏底物各以其所正為常正是

說他當然之理○進齋徐氏曰先言變動而

後獨言吉凶悔吝生乎動者以動詳於變故

也此言吉凶悔吝而後止言吉

凶者以吉凶者悔吝之積也

天地之道貞觀者也日月之道貞明者也天下

之動貞夫一者也

觀官喚反夫音扶

程子曰天地之道常垂象以示人故曰貞觀日月常明而不息故曰貞明

**本義**觀示也天下之動其變无窮然順理則



吉逆理則凶則其所正而常者亦一理而已

矣

朱子曰吉凶常相勝不是吉勝凶便是凶勝吉二者常相勝故曰貞勝天地之道則

常示日月之道則常明天下之動貞夫一者也天下之動雖不齊常有一箇是底故曰貞

夫一○雲峯胡氏曰上繫於吉凶悔吝无咎之義發之詳矣獨貞字未發故於下繫發之

貞者正而固也本義曰正而常何哉固者入事之當然常者天理之必然天下之動非吉

勝凶則凶勝吉二者常相勝而不已然亦天下之正理也人之所為正則吉不正則凶雖

其動也不一而常有至一者存亦不外乎此至正之理而已天地日月之道亦猶是也

夫乾確然示人易矣夫坤隤然示人簡矣

確苦角反

易以豉反  
隤大回反

本義 確然健貌隤然順貌所謂貞觀者也

交也者效此者也象也者像此者也象音

**本義**此謂上文乾坤所示之理爻之奇偶卦

之消息所以效而象之或問爻也者效此者也是效乾坤之變化

而分六爻象也者像此者也是象乾坤之虛實而為奇偶朱子曰效此便是乾坤之理象

只是像其奇偶

爻象動乎內吉凶見乎外功業見乎變聖人之

情見乎辭見賢遍反

**本義**內謂著卦之中外謂著卦之外變即動

乎內之變辭即見乎外之辭或問爻象動乎內吉凶見乎外

或謂陰陽老少在分著揲卦之時而吉凶乃見於成卦之後如何朱子曰也是如此然內



外字猶言先後微顯。功業見乎變是就那  
動底爻見得這功業字似吉凶生大業之業  
猶言事變庶事相似。○潘氏曰確然蹟然乾  
坤之體也蹟與顏同乾坤之所以示人者易  
而不難簡而不繁爻者倣此易簡者也象者  
像此易簡者也及其爻象動乎卦之內則吉  
凶見於事之外功業見於變通之間蓋動則  
有吉凶不動則吉凶无自而生變則有功業  
不變則功業无自而成聖人之情則見  
爻辭象辭之間所以指人以所之也

天地之大德曰生聖人之大寶曰位何以守位

曰仁何以聚人曰財理財正辭禁民為非曰義

**本義**曰人之人今本作仁呂氏從古蓋所謂

非衆罔與守邦朱子曰天地之間品物萬形各有所

事唯天則確然於上地則蹟然於下一无所  
為只以生物為事故易曰天地之大德曰生



聖人之情見乎辭下連接說天地大德曰生  
此不是相連乃各自說去聖人之大寶曰位  
有德有位則事財正辭如何問人君臨天下大  
小大事只言理財正辭如何曰是因上文而  
言聚得正辭便只是分別是非又曰教化便  
又在正辭裏面○理財正辭禁非是三大槩  
是辨別是非理財言你底還你我底還我正  
辭言是底說是不是底說不是猶所謂正名  
○白雲郭氏曰天地以生物為德故人以大  
德歸之聖人得崇高之位然後成位乎中而  
贊化育故以位為大寶也大寶者亦非聖人  
自以為寶也天下有生幸聖人之得位以蒙  
其澤故天下以為寶也○臨川吳氏曰生生  
不已者天地之大德然天地生物生人又生  
與天地合德之聖人命之居君師之位為人  
物之主而後能使天地之無其位則亦不能相  
生也苟或但有其德而無其位則亦不能相  
天地而遂人物之生故位為聖人之大寶大  
寶謂大可貴重守謂保有之必得衆人之歸

# 右第一章

嚮乃能保有君師之位衆多也○平庵項氏曰財者百物總名皆民之所利也正辭謂殊貴賤使有度明取予使有義辨名實使有信蓋利之所在不可不導之使知義也禁民為非謂憲禁令致刑罰以齊其不可導者也蓋養之教之而後齊之聖人不忍之政盡於此三者矣理財則易之備物致用也正辭則易之辨物正言也禁民為非則易之斷吉凶明得失得外內使知懼也易之事業盡於此三者矣○雲峯胡氏曰上繫首章由乾之始坤之成說歸乾坤易簡之理下繫首章則由乾之易坤之簡說出天地大生之德得乾坤易簡之理如聖人乃可以成人之位行天地大生之德在聖人不可無大寶之位兩位字不同位乎天地之中人所同也而聖人能成之大寶曰位聖人之中所獨也而天地實賴之上下繫之首章其有望於後世有德有位之聖人也如此哉



**本義**

**此章言卦爻吉凶造化功業**

雙湖胡氏

曰按此章首論重卦繫辭有爻象變動

四者其下文皆是覆說上面爻畫剛柔

之變繫辭之動兩股其曰吉凶悔吝生

乎動者所以明繫辭焉而命之動在其

中之意其曰剛柔立本變通趨時者所

以明剛柔相推變在其中之意而自吉

凶貞勝以下又申明吉凶悔吝生乎動

一句謂天地之道以貞而勝日月之道

以貞而明天下之動亦唯當一以貞而  
勝之而已大抵易為斯人作卦爻辭无  
非所以明失得之報故說吉凶為甚詳  
也次論乾坤易簡對天地德生說作易  
聖人以憂世之情發明易簡於卦爻之  
辭用易聖人有御世之位推行德生於  
仁義之道前一殷是易簡即大德之用  
也作易聖人之情見乎辭用易聖人以  
仁守其位无非所以為斯人而已耳合



兩節而觀一章  
之旨可見矣

古者包犧氏之王天下也仰則觀象於天俯則  
觀法於地觀鳥獸之文與地之宜近取諸身遠  
取諸物於是始作八卦以通神明之德以類萬  
物之情王于况反

程子曰近取諸身一身之上百理具備甚物  
是後底背在上故為陽宵在下故為陰至如  
男女之生已有此象天有五五行亦有五藏心  
火也着些些天地間熱氣乘之則便須發燥肝  
木也着些些天地風氣乘之則便須怒推之五藏亦然

**本義**王昭素曰與地之間諸本多有天字俯  
仰遠近所取不一然不過以驗陰陽消息兩

端而已神明之德如健順動止之性萬物之

情如雷風山澤之象朱子曰仰則觀象於天

人看這許多般事物都不出陰陽兩字便是

河圖洛書也只是陰陽○觀鳥獸之文與地

之宜邦時未有文字只是仰觀俯察而已想

得聖人心細雖鳥獸羽毛之微也盡察得有

陰陽今人心粗如何察得或曰伊川見兔曰

察此亦可以畫卦便是此義曰就這一端上

亦可以見凡草木禽獸无有不有陰陽鯉魚脊

上有三十六鱗陰數龍脊上有八十一鱗陽

數龍不曾見鯉魚必有之又龜背上文中間  
一簇成五段兩邊各揷四段共成八段子八  
段之外兩邊周圍共有二十四段中間五段  
者五行也兩邊揷八段者八卦也周圍二十  
四段者二十四氣也箇箇如此又如草木之  
有雌雄銀杏桐楮牝牡麻竹之類皆然又樹  
木向陽處則堅實其背陰處必虛軟男生必  
伏女生必偃其死於水也亦然蓋男陽氣在



繫辭下

故曰通萬物之情可見者也故曰類○雲峯  
胡氏曰神明之德不外乎健順動止八者之  
德萬物之情不止乎  
天地雷風八物之情

作結繩而為網罟以佃以漁蓋取諸離  
罟音古

程子曰聖人制器不待見卦而後知象以  
象人由之而不能知之故因卦以示之耳

**兩目相承而物麗焉**  
朱子曰蓋取諸地

蓋字便是一箇半間半界底字又曰據十三  
卦取象蓋取之離者言繩為網罟有離之象

非親離而始有此也○誠齋楊氏曰教民肉  
食自包犧始○南軒張氏曰古者禽獸多而

人民少故伏羲氏為之網罟以佃以漁非徒  
使民皆知解食之利抑亦去其害而安其居

也取諸離者蓋離以一陰麗乎二陽之間則  
鳥獸之麗乎網罟以二陽之麗乎網罟

也○厚齋馮氏曰離有二義曰象曰理謂  
也謂鳥獸魚鼈麗乎網罟也象謂虛中網罟



之目虛也。○雲峯胡氏曰：民以食為先，自古未有耕種，則鮮食，乃其先也。伏羲氏非取諸離，然後為網罟，特網罟兩目相承，而物麗自。有似於離之象焉耳。蓋之言疑辯也。下倣此。

包犧氏沒，神農氏作，斲木為耜，揉木為耒，耒耨

之利，以教天下，蓋取諸益。斲，陟角反。耜，音似耒。對反。耨，奴豆反。

**本義** 二體皆木，上入下動，天下之益莫大於此。或問：上入下動，於取象有所未曉。朱子曰：此耜乃今之鐮，胡瓜反。鑿七消反。耒乃鐮柄，雖下入畢竟是上面用力，方得入。○沙隨程氏曰：飛走之類，實害禾稼，唯網罟佃漁之制立。然後耒耨之利見於天下。○誠齋楊氏曰：教民粒食，自神農始。○節齋蔡氏曰：耜耒首也。斲木之銳而為之耒耜柄也。揉木使曲而為之。○疊山謝氏曰：耒耜者，今謂之犂曲木。在上俗名犂，衝即耒也。斲削二片在下以承鐵二片，俗呼犂壁，即耜也。○漢上朱氏曰：炎

帝時民厭鮮食而食草木之實於是始為耒耜以教天下故曰紳農耨耘除草也○雲峯胡氏曰自古未有牛耕紳農教民耒耜其動也在下之耜而所以入之者在土之耒於益之卦德上入下動蓋有合焉况為天下之益於卦名又有合也

日中為市致天下之民聚天下之貨交易而退各得其所蓋取諸噬嗑

**本義** 日中為市上明而下動又借噬為市嗑

為合也開封耿氏曰有菽粟者或不足乎禽魚有禽魚者或不足於菽粟釐者无

所取積者无所散則利市不布養不均矣於是日中為市焉日中者萬物相見之時也當萬物相見之時而致天下之民聚天下之貨使遷其有无則得其所矣○丹陽都氏曰五十里為市而各致其民則天下之民无不致矣市各聚其貨則天下之貨无不聚矣於是



以其所有易其所无交易而退各得其所則  
動而噬嗑以爲養蓋取諸噬嗑也○節齋蔡  
氏曰天下之民不同業天下之貨不同用致  
而聚之噬嗑而噬之義○進齋徐氏曰噬嗑  
離明在上日中象震動于下致民交易於市  
之義○合沙鄭氏曰十三卦始離次益次噬  
嗑所取者食貨而已  
食貨者生民之本也

神農氏沒黃帝堯舜氏作通其變使民不倦神  
而化之使民宜之易窮則變變則通通則久是  
以自天祐之吉无不利黃帝堯舜垂衣裳而天  
下治蓋取諸乾坤

程子曰聖人主化如禹之治水順則當順之  
治則順治之古之伏義豈不能垂衣裳以待  
堯舜然後垂衣裳據如此事只是一箇聖人  
都做得了然必須數世然後成亦因時而已



又曰識變知化為難古今風氣不同故器用  
 亦異是以聖人通變使民不倦各隨其時而  
 已矣後世雖有作者虞舜之德又如此故後世  
 是時風氣未開而虞舜之德又如此故後世  
 莫可及也若三代之治後世決可  
 復不以三代為治者終苟道也

**本義**

**乾坤變化而无為**

朱子曰黃帝堯舜氏  
 作到此垂衣裳而天下

此變易窮則變道理亦如此垂衣裳而天下  
 治是大變他以前底事了通其變須是得一下  
 箇人通其變若聽其自變如何得○南軒張  
 氏曰作衣裳以被之於身垂綃為衣其色玄  
 而象道襮幅為裳其色纁而象事法乾坤以  
 示人使民知君臣父子尊卑貴賤莫不各安  
 其分也○誠齋楊氏曰所謂衣裳即舜所謂  
 古人之象五色作服者是也蓋始於黃帝備  
 於堯舜○疊山謝氏曰乾天在上衣象上  
 闔兩圓有陽奇象坤地在下裳象裳下兩股  
 有陰偶象上衣下裳不可顛倒使人知尊卑  
 上下不可亂則民志定天下治矣○建安丘



氏曰十三卦制器而尚象皆通變宜民之事  
特於黃帝堯舜氏言之者犧農之時人害雖  
消而人文未著衣食雖足而禮義未興為之  
君者方且與民並耕而食饗飧而治蚩蚩蠢  
蠢蓋未識所謂上下尊卑之分於是三聖人  
者仰觀俯察體乾坤之象正衣裳之儀使君  
臣分義截然於天高地下之間天下其有不  
治乎斯時也其道一新之會而黎民於變  
之機也○雲峯胡氏曰食貨既足不可無禮  
於是垂衣裳以明尊卑貴賤之分而於乾坤  
之尊卑有合焉垂衣裳而天下  
治即乾坤之變化而無為也

剡木為舟剡木為楫舟楫之利以濟不通致遠

以利天下蓋取諸渙

剡口姑反  
刻以舟反

**本義**

木在水上也致遠以利天下疑衍

南軒  
張氏

曰

衣裳之垂固欲遠近之民下觀而化然川  
途之險阻則有所不通唯夫舟楫之利既興

繫辭下

則日月所照霜露所墜莫不拭目觀化天下  
如一家中國如一人矣是以剗其木而中虛  
刻其楫而末銳舟所以載物而楫所以進舟  
致遠以利天下而取諸渙者蓋渙之成卦上  
巽下坎彖曰利涉  
大川乘木有功也

# 服牛乘馬引重致遠以利天下蓋取諸隨

程子曰服牛乘馬皆因其性而為之  
胡不乘牛而服馬乎理之所不可也

## 本義下動上說

漢上朱氏曰上古牛未穿馬  
未絡至是始服乘之○鄱陽

董氏曰服牛乘馬穿鼻絡頭鉾人為也亦各  
因其天而任之故取諸隨○安定胡氏曰隨  
者是動作必隨於人以之遠則隨於人以之  
近則亦隨於人○李氏曰剗木為舟刻木為  
楫因植物之材而川通矣服牛乘馬引重致  
遠因動物之性而途通矣牛以順為道故服  
而馴之以引重馬以行為事故乘而駕之以  
致遠牛非不可以致遠於引重為力而已馬



非不可以引重致遠為敏而已引重謂之義引以有所進為義致遠謂之致以有所至為義

重門擊柝以待暴客蓋取諸豫重直龍反

**本義** 豫備之意朱子曰重門擊柝以待暴客只是豫備之意却須待用互

體推艮為門闕雷震乎外之意刻木為矢弦木為弧只是睽乖故有威天下之象亦必待穿鑿附會就卦推出制器之義殊不知卦中但有此理而已故孔子各以蓋取諸某卦言之亦曰其大意云爾漢書所謂獲一角獸蓋麟云皆疑辭也○漢上朱氏曰上古外戶不閉禦風氣而已至是始有暴客之防○楊氏曰川途既通則暴客至矣又不可無禦之之術故取諸豫重門以禦之擊柝以警之則暴客无自而至二陰在前重門之象也一陽在下擊柝之象也三陰安於內說豫之象也○洩水司馬氏曰豫者怠惰之意擊柝者所以

警急  
情也

斷木為杵掘地為臼臼杵之利萬民以濟蓋取

諸小過

斷丁緩反杵昌呂反掘其日反

本義

下止上動

誠齋楊氏曰耒耜耕稼之始白杵脫粟之始○建安丘氏

曰以象言之上震為木下艮為土震木上動艮土下止杵白治米之象○進齋徐氏曰民粒食矣又杵白以治之而使精小有所過而利人者也

弦木為弧剡木為矢弧矢之利以威天下蓋取

諸睽

本義

睽乖然後威以服之

南軒張氏曰外有擊柝以防暴客內

有杵白以治粒食而無以威其不軌則雖有險不能守雖有粟而不得食此弧矢之利不



可緩也○臨川吳氏曰孤木弓也兵器不一  
弓矢所及者遠為長兵威天下者示有警備  
而使之畏也○漢上朱氏曰知門折而不知  
孤矢之利則威天下者有未盡故教之以孤  
矢之利○進齋徐氏曰其害之大者以重門  
擊柝不足以待之故必有孤矢以威之利天  
下者仁也威天下者義也

上古穴居而野處後世聖人易之以宮室上棟  
下宇以待風雨蓋取諸大壯

程子曰上古之時民皆巢居而穴處後世易  
之以棟宇而不以巢居穴處為可變者以棟  
宇之利故也

**本義**

壯固之意

節齋蔡氏曰棟屋脊檁也宇

宇兩垂而下故曰下宇棟取四剛義宇取二  
柔義○凍水司馬氏曰風雨動物也風雨動

繫辭下

周易傳義大全卷二十一

三

於上棟宇健於下大壯之象也。○進齋徐氏曰：冬穴居，无以待風；夏野處，无以待雨。故宮室不得不與震風、凌雨然。後知厦屋之為幘幪，故棟宇不可不固。大壯之意也。

古之葬者，厚衣之以薪，塋之中野，不封不樹，喪期無數。後世聖人易之以棺槨，蓋取諸大過。

反既

**本義**

送死大事而過於厚

南軒張氏曰：君子

於此而過无害也。○丹陽邵氏曰：杵臼棺槨所以使民養生送死无憾，所以依於人者過厚也。然養生不足，以當大事，故取小過之義而已。送死足以當大事，故取大過之義焉。○合沙鄭氏曰：大壯外震震動也，風雨飄搖之象。大過內巽巽入也，殯塋入土之象。

上古結繩而治，後世聖人易之以書契，百官以



治萬民以察蓋取諸夬

**本義**

**明決之意**

朱子曰上古結繩而治後世聖人易之以書契天下事有

古未之為而後人為之固不可无者此類是也又曰結繩今溪洞諸蠻猶有此俗又有刻板者凡年月日時以至人馬糧草之數皆列果否曰此不可考或曰耒耜市井已取重卦之象則疑伏義已重卦或耒耜市井已取重卦皆云蓋取則亦疑辭未必因見此卦而制此物也今无所考但既有八卦則六十四卦已在其中此則不可不知耳○進齋徐氏曰上古民淳事簡事之小大唯結繩以識之亦足以為治至後世風俗媮薄欺詐日生而書契不容不作矣書文字也契合約也言有不能記者書識之事有不能信者契驗之取明決之義蓋夬乃君子決小人之偽而防其欺也○開封耿氏曰已前不云上古已下三事或言古與

上不同者蓋未造此器之前更無餘物之用  
非是後世以替前物故不言上古也此以下  
三事皆是未造此物之前已更別有所用今  
將後用而代前用故本之云上古及古者

# 右第二章

## 本義此章言聖人制器尚象之事

息齋

曰卜筮之說詳於上繫制器之說詳於  
下繫○潛室陳氏曰十三卦取象說上  
古雖未有易之書元自有易之理故所  
作事暗合易書即邵子所謂畫前之易  
是也○開封耿氏曰十三卦之辭或言  
利或不言利何也網罟非不為利也然  
必求耜耜而後能裕萬民之食是則  
網罟之利不足言而耜耜之利大矣  
矣所以言利也門析非不為利也然門  
析則能保其內使暴客不能入而已孤  
矢則又能威其外使暴客不能至是則  
門析之利不足言而孤矢之利大矣所



以言利也獨於舟楫馬牛言利天下者  
舟楫馬牛之利无所不通可以周天下  
故也○苟軒程氏曰網罟耒耜所以足  
民食交易舟車所以通民財杵臼弧矢  
所以利民析民用衣裳以華其身宮室以定  
其居門柝以衛其生棺槨以送其死凡  
所以為民生利用安身養生送死之道  
已无遺憾矣然百官以治萬民以察卒  
歸之失之書契何也蓋器利用便則巧  
偽生憂患作聖人憂之故終之以書契  
之取象書契可以代忘言之允乾天一  
以防書契之偽其視網罟等象雖非一  
時之利實萬世為書契聖人也故結繩  
為網罟終易為書契聖人治萬民察誠  
大疑悉於書契乎觀百官治萬民察誠  
非書契不可也十三卦終以夬卦之取  
象聖人之意深矣○雲峯胡氏曰舟楫  
取象以卦象取也服垂取象隨白杵取  
以卦德取也豫備睽乖壯固夬夬大過  
過於厚皆以卦義取也諸家往往皆以

互體推之未免穿鑿殊不知夫子之意  
亦不過謂聖人之制此器也此卦之中  
自有此理而已蓋之一字疑取諸此而  
非必取之此也自天祐之吉无不利上  
傳為君子之用易者言之下傳又為聖  
人之通變者言之何也天者理而已聖  
人之制器不能先天而強為不能後天  
而不為非一時之所能為也非一人之  
所能為也皆天理之自然者也所以亦  
曰自天祐之○誠齋楊氏曰嗚呼鴻荒  
之世民之初生非若今日之備器而便  
起居具服食也自斯人之飢而未知佃  
漁也聖人於是乎作網罟自斯人之肉  
食而未知粒食也聖人於是乎作耒耜  
自斯人之食貨或有餘或不足之偏匱  
也聖人於是乎作市易自斯人之寒而  
衣皮未知織紵之制也聖人於是乎作  
衣裳自斯人之出入厄於川隅而道斷  
也聖人於是乎作舟楫自斯人之疲於  
負擔而趺於遠塗也聖人於是乎作輪



轡自斯人之虞於寇攘而懈於守禦也  
聖人於是乎作門柝自斯人之知有耕  
耨而未知有春揄也聖人於是乎作耜  
白自斯人之无爪牙以自濟而憂於搏  
噬也聖人於是乎作弧矢自斯人之穴  
處而病於濕墊也聖人於是乎作宮室  
自斯人之死而感於藁裡之掩也聖人  
於是乎作棺槨自斯人之窮於結繩而  
相欺无藉也聖人於是乎作書契然後  
聖人非一聖人之能為也歷五聖人而  
成亦非一聖人之能為也此其難而聖  
後備蓋斯人生生之道若此其難而聖  
人所以生斯人者若此其勞也故曰  
如古之无聖人之類滅久矣○西山  
真氏曰此章所列卦象之意皆物象之  
自然者也自然之象則有自然之理  
人之所共睹也然常人見其象而昧其  
理唯聖人見是象則知其理知是理則  
制是器人皆謂備物致用立成器以利  
天下出於聖人之心思不知聖人亦因

其所固有而已學者誠能虛心以體天下之物則精義妙道莫不昭然接於吾之心目然後真知道器之相合而顯微之無間

是故易者象也象也者像也

**本義**

易卦之形理之似也

朱子曰易者象也象也者像也只是

彷彿說不可求得太深○易者象也是總說起言易不過只言陰陽之象下云像也材也天下之動也則皆是說那上面象字○問易者象也象也者像也是四句莫只是解箇象字否曰是解易字像又是解象字材又是解象字末句意亦然○蔡氏依曰昔者聖人之作易也始畫八卦而象在其中象與卦並生以寓天下之賾故曰易者象也蓋俯仰以觀遠近以取神明之德可通鬼神之情狀可得而况於人乎况於萬物乎及因而重之幾揮於剛柔而生爻則擬諸其形容者其變不一而象亦為之滋矣故邑屋宮庭舟車器械服帶



簪履下至鳥獸蟲魚金石草木之類皆在所擬至纖至悉无所不有所謂其道甚大百物不廢者此也其在上古尚此以制器其在中古觀此以繫辭而後世之言易者乃曰得意在忘象得象在忘言一切指為魚兔筌蹄殆非聖人作易前民用以教天下之意也

彖者材也

**本義** 彖言一卦之材 漢上朱氏曰卦有剛柔

有是才以濟之才與時會斯足以成務矣

爻也者效天下之動者也

**本義** 效放也 漢上朱氏曰天下之動其微難知有同處一時同處一事所當

之位有不同焉則進退趨舍殊塗矣故曰爻也者效天下之動也

是故吉凶生而悔吝著也

**本義悔吝本微因此而著**

南軒張氏曰易者象也象也者像此

者也謂之彖則言其象之材而已謂之爻則故其象之變而巳至於吉凶則悔吝之著也故悔者有改過之意而凶則吝之著也○雲峯胡氏曰至著者象至微者理易之象理之似也彖者材也材者象之質爻效天下之動動者象之變悔吝在心未著吉凶在事已著者悔之著凶者吝之著也

**右第三章**

雙湖胡氏曰此章說卦象及彖

而始著蓋卦爻辭論人事之悔吝至吉凶報欲人觀象玩辭之際知有悔心而不吝於改過庶幾有吉而无凶耳

**陽卦多陰陰卦多陽**

**本義**震坎艮為陽卦皆一陽二陰巽離兌為



陰卦皆一陰二陽

潛室陳氏曰二耦一奇即

耦即耦為主是為陰卦多陽

其故何也陽卦奇陰卦耦

**本義** 凡陽卦皆五畫凡陰卦皆四畫

三山氏曰陽

卦宜多陽而多陰陰卦宜多陰而多陽何也蓋陽卦之數必四耦數也耦則陽畫自多其多陰多陽皆自然而然非人力所能參也○雙湖胡氏曰嘗推八卦奇耦之畫每卦雖各得其三兩合之則為六乾坤合為六震巽合亦六坎離合亦六艮兌合亦九為九震巽合亦九坎離合亦九用數總之則四六二四畫而符老陰掛過揲之數若無與於老陽之數矣然以陽卦五畫陰卦四畫觀之奇偶之合又皆老陽掛劫之用數故乾坤合為九震巽合亦九坎離合亦九艮兌合亦九悉數之實成三十六而為老

陽過揲之數焉此乾坤用九用六其數默見於卦畫之可推者如此雖出於偶然其實亦豈非自然之妙也

其德行何也陽一君而二民君子之道也陰二君而一民小人之道也行下孟反

**本義** 君謂陽民謂陰朱子曰二君一民試教

是甚模樣。柴氏中行曰一君二民道大而公君子之道也二君一民道小而私小人之道也卦體乎君子小人之道而象彖爻所以發明此道者也然在諸卦為陽卦者未必皆君子之道為陰卦者未必皆小人之道蓋此特借陰陽二卦之體以明君子小人之道不同耳非可一例成卦也。雲峯胡氏曰論其故則道非爻明此卦也。陽卦四畫陽與陰一定之分固如此論其德行則陽為君陰為氏陽為君子陰



為小人易之扶  
陽抑陰又如此

### 右第四章

雙湖胡氏曰此章專以八卦陰陽畫數分君子小人之道

易曰憧憧往來朋從爾思子曰天下何思何慮  
天下同歸而殊塗一致而百慮天下何思何慮

### 本義

此引咸九四爻辭而釋之言理本无二

而殊塗百慮莫非自然何以思慮為哉必思

而從則所從者亦狹矣

朱子曰所謂天下何思何慮正謂雖萬變

之終絃而所以應之各有定理不假思慮而

知也問天下同歸而殊塗一致而百慮何故

不云殊塗而同歸百慮而一致曰也只一般

但他是從上說下自合如此說感應之理本

不消思慮空費思量空費計較空費安排只

順其自然而已○臨川吳氏曰思者心之用

也慮者謀度其事也心體虛靈如止水明鏡  
未與物接寂然不動何思之有既與物接應  
之各有定理何慮之有理之在心者同因事  
之不同而所行之塗各殊理之在心者一因  
事之不一而所裁之慮有百塗雖殊慮雖百  
而應事之理則同而一也故定心應事動而  
無動則亦何思何慮之有此人心定應寂然  
之感也若九四之憧憧則豈如是乎○柴氏  
中行曰言天地萬物皆本於天理之自然人  
當棄私欲而循天理也所謂理夫子之一貫  
子思之誠曾子之守約是也同歸而殊塗天  
下無二理也一致而百慮天下無二心也致  
謂極致明其不同歸極其所以思慮為哉○進齋  
塗殊慮百無不應者何以思慮為哉○進齋  
徐氏曰塗雖殊而歸同則往來自不容无而  
加之憧憧則私矣慮雖百而致一則思亦人  
心所當有而局於朋從則狹矣人於  
此但當以貞守之不必自為紛紛也

日往則月來月往則日來日月相推而明生焉



寒往則暑來暑往則寒來寒暑相推而歲成焉  
往者屈也來者信也屈信相感而利生焉

申信音

**本義**

言往來屈信皆感應自然之常理加憧

憧焉則入於私矣所以必思而後有從也

朱子

言往日往則月來一段乃承上文憧憧則往來而  
誠齋楊氏曰觀諸日今夕之往所以為來朝  
之來觀諸月今夕之來所以為來朝之往蓋  
前之屈乃後之信也觀諸寒暑折膠之寒不  
生於暑而生於烈日流金之暑折膠之暑不  
生於暑而生於堅冰折膠之寒蓋今之信乃  
昔之屈也○臨川吳氏曰因日之往而有月  
之來因月之往而有日之來二曜相推以相  
繼則明生而不匱因寒之往而有暑之來因  
暑之往而有寒之來二氣相推以相代則歲  
成而不缺往者之屈感來者之信來者之信

繫辭下

周易傳義大全卷二十一

二十一

又感往者之屈而有明生歲成之利此天道  
往來自然之感也若九四之往來則豈如是  
乎○張子曰屈信相感而利生焉感以  
誠也情偽相感而利害生難以偽也

尺蠖之屈以求信也龍蛇之蟄以存身也精義  
入神以致用也利用安身以崇德也蟄紀  
縛反

**本義**因言屈信往來之理而又推以言學亦

有自然之機也精研其義至於入神屈之至  
也然乃所以為出而致用之本利其施用无  
適不安信之極也然乃所以為入而崇德之  
資内外交相養互相發也朱子曰尺蠖之屈  
以求信也龍蛇之

蟄以存身也屈信消長闔闢往來其機不會  
停息大處有大闔闢小處有小闔闢大處有



大消息亦處有小消息此理萬古不易如目  
有瞬時亦豈能常瞬定又須開不能常開定  
又須瞬瞬了又開開了又瞬至纖至微無時  
不然○問此章言萬變雖不同然皆一理之  
中所自有底不用安排曰此只說得一頭尺  
蠖若不屈則不信得身龍蛇若不蟄則不伏  
得氣如何存得身精義入神疑與行處不相  
關然而見得道理通徹乃所以致用利安  
身亦疑與崇德不相關然不動作得其理則  
德自崇天下萬事萬變無不有感通往來之  
理又曰尺蠖屈便要求信龍蛇蟄便要存身  
精研義理無絲毫之差入那神妙處這便是  
要出來致用外面用得利而身安乃所以入  
來自崇已德致用之用即利用之用所以橫  
渠云精義入神事豫吾內求利吾外利用安  
身素利吾外致養吾內事豫吾內言曾到這  
裏面來又曰尺蠖屈得一寸便能信得一寸  
來許他之屈乃所以為信龍蛇於冬若不蟄  
則凍殺了其蟄也乃所以存身也精義入神  
乃所以致用也利用安身乃所以崇德也欲

罷不能如人行步左脚起了不由得右脚不  
起所謂過此以往未之或知也若到那窮神  
知化則須是德之盛也方能有不宜事之有可  
謂義者宜而已物之有宜有定分而不可易  
有所謂義也吾心處之精者知其各有已所  
猶曰察之云耳精之至而無所不悉有不  
之妙矣此所以致用而無一非義也又曰義  
至於精則應事接物間無出非義不問小事  
大事千變萬化改頭換面出來自家應副他  
如利刀快劍相似迎刃而解件件判作兩邊  
去○且如精義入神如何不思那致用底却  
不必思致用底是事功是効驗○利用安身  
今人循理則自然安利不循理則自然不安  
利○息齋余氏曰既曰屈信相感而利生矣  
恐人知信之利而不屈信之利也故以  
尺蠖龍蛇明之其為人切矣○臨川吳氏曰  
夫子既以屈信聖學之屈信言之而廣其意  
理之屈信聖學之屈信言之而廣其意



不屈則其行不能信既信而再行則又屈也  
龍蛇不蟄則其來歲之身不能奮既奮於來  
歲則又蟄也此物理之屈信相感也義理精  
明則應物有定而神不外馳入者无出內之  
屈也而乃所以致極其外之用屈之感信也  
日用宜利則每事曲當而身之所處隨寓而  
安外之信也而乃所以增崇其內之德信之  
感屈也此聖學之屈信相感也因言聖學之  
交相養互相費工力  
至此則蔑以加矣

過此以往未之或知也窮神知化德之盛也

**本義**

下學之事盡力於精義利用而交養互

費之機自不能已自是以上則亦无所用其  
力矣至於窮神知化乃德盛仁熟而自致耳  
然不知者往而屈也自致者來而信也是亦

感應自然之理而已張子曰氣有陰陽推行

有漸為化合一不測為神此上四節皆以釋

咸九四爻義朱子曰窮神知化德之盛這德

便能窮神知化便如聰明入神以知皆由此出

誠而明相似又曰精義入神以致用也利用

安身以崇德也過此以往未之或知也窮神

知化德之盛也只是這箇非於崇德之外

別有箇德之盛也做來做去做到微處便是

○未之或知是到這裏不可奈何窮神知化

雖不從這裏出來然也有這箇意思○神化

二字雖程子說得亦不甚分明唯是橫渠推

出束推行有漸為化合一不測為神又曰一

故神兩在故不測兩故化○窮神知化化是

逐些子挨將去底一日復一日一月復一月

節節挨將去便成一年神是一箇物事或在

彼或在此當其在陰時全體在陰在陽時全

體在陽都只是這一物兩處都在不可測故



謂神橫渠言一故神兩故化又註云兩在故  
不側這說得甚分曉○此章解成九四據爻  
義看上文說貞吉悔亡貞字甚重程子謂聖  
人感天下如兩賜寒暑无不通无不應者貞  
而已所以感人者果矣則吉而悔亡蓋天  
下本无二理果同歸矣何患乎殊塗果一  
矣何患乎百慮所以重言何思何慮也如日  
月寒暑之往來皆是自然之感應如此日不  
則月不來月不往則日不來寒暑亦然往來  
只是一般往來但憧憧之往來者患得患失  
既要感這箇又要感那箇便自憧憧忙亂用  
其私心而已屈信相感而利生焉者有晝必  
有夜設使長長為晝而不夜則何以息夜而  
不晝安得有此光明春氣固是和好只有春  
夏而无秋冬則信物何以成理所以秋冬而  
夏又何以生屈信往來之理所以必待迭相  
為用而後利所由生春秋冬夏只是一箇感  
應所應復為感所感復為應也春夏是一箇  
大感秋冬則必應之而秋冬又為春夏之感  
以細言之則春為夏之感夏則應春而又為

秋之感秋為冬之感冬則應秋而又為春之  
感所以不窮也尺蠖不居則不可以信龍蛇  
不蟄則不可以藏身今山林冬暖而蛇出者  
往往多死此則屈信往來感應必然之理夫  
子因往來兩字說得許多大又推以言學所  
以內外交相養亦只是此理而已橫渠曰事  
豫吾內求利吾外素利吾外致養吾內此下  
學所當致力處過此以上則不容計較所謂  
窮神知化乃養盛自致非思勉所及此則聖  
人事矣。天下何思何慮一句便是先打破那  
而然如精義入神自然致用一段此是言自然  
崇德。天下何思何慮一句便是先打破那  
箇思字却說同歸殊塗一致百慮又再說天  
下何思何慮謂何用如此憧憧往來而為此  
朋從之思也日月寒暑之往來尺蠖龍蛇之  
屈信皆是自然底道理不往則不來不居則  
亦不能信也今之為學亦只是如此精義入  
神用力於內乃所以致用乎外利用安身求  
利於外乃所以崇德乎內只是德盛仁熟之  
雖至於窮神知化地位亦只是是德盛仁熟之



所致何思何慮之有。雲峯胡氏曰天下何思何慮一語所以破思慮之感息憧憧之思也。天地間凡一往一來皆感應自然之常理。非唯日月寒暑如此以吾之學言之精義以致用利用以崇德亦有自然屈信之理。至若窮神知化而德之盛皆自然而已矣。皆非思慮所及。故曰天下何思何慮。

易曰困于石據于蒺藜入于其宮不見其妻凶。子曰非所困而困焉名必辱非所據而據焉身必危既辱且危死期將至妻其可得見邪。

**本義**

釋困六三爻義

或問非所困而困焉名必辱大意謂石不能動

底物自是不須去動他若只管去用力徒自困耳。朱子曰此爻大意謂不可做底便不可入頭去做又曰且以人事言之有着力不得處若只管着力去做少間去做不成他人便

道自家无能便是辱了名○南軒張氏曰有  
 應於上將以求名今困于石此非所困而困  
 焉名必辱也有依於下得以安身今據於蒺  
 藜非所據而據焉身必危也在困之時名辱  
 身危有死之理此身不行道雖妻且不可見  
 宜乎凶也○誠齋楊氏曰君子有不幸之困  
 无以致之在陳畏途是已故名不辱而身不  
 危小人无幸免之困為不善以致之以其非  
 所據而據是以非所困而困尚可得而  
 保其名保其身保其家保其妻子乎

易曰公用射隼于高墉之上獲之无不利子曰

隼者禽也弓矢者器也射之者人也君子藏器

於身待時而動何不利之有動而不括是以出

而有獲語成器而動者也

射食亦反隼恤  
 免反括古括反

**本義**

括結礙也此釋解上六爻義

朱子曰張  
 敬夫說易



謂只依孔子繫辭說便了如說公用射隼至成器而動者也只如此說便了固是如此聖人之意只恁地說不得緣在當時只理會得象數故聖人明之以理又曰公用射隼孔子是發出言外之意○漢上朱氏曰箴可用之器待可為之時動无結礙出則有獲唯棄屈信之理而其用利者能之

子曰小人不恥不仁不畏不義不見利不勸不威不懲小懲而大誡此小人之福也易曰履校滅趾无咎此之謂也

**本義**

此釋噬嗑初九爻義

厚齋馮氏曰不以

而後勸於為仁不以不義為畏故畏威而後懲於不義○漢上朱氏曰小人不恥不仁故不畏不義陷於死亡辱及其先恥孰大焉雖愚也而就利避害與人同故見義而後勸威

之而後懲小懲大誠猶為小人之福况真知義乎

善不積不足以成名惡不積不足以滅身小人以小善為无益而弗為也以小惡為无傷而弗去也故惡積而不可掩罪大而不可解易曰何校滅耳凶

何河可反去羗吕反

**本義**此釋噬嗑上九爻義

漢上朱氏曰精於義者豈一日積哉

彼積不善而滅其身者不知小善者大善之積也○融堂錢氏曰積字宜玩凡善惡未有不由積而成也○誠齋楊氏曰夫子釋噬嗑初上之辭謂懲惡在初改過在小○建安丘氏曰惡小而不能懲則罪大而不可解猶滅趾不防而至於滅耳也烏得而不凶

子曰危者安其位者也亡者保其存者也亂者



有其治者也是故君子安而不忘危存而不忘  
亡治而不忘亂是以身安而國家可保也易曰  
其亡其亡繫于包桑

**本義**

此釋否九五爻義

或問危者以其位為  
可安而不知戒懼故

危亡者以其存為可常保是以亡亂者有其  
治是自有其治如有其善之有是以亂者有  
曰某舊也如此說看來保字說得較牽強只  
是尚有危亡興亂之意則可以安其位保其  
存有其治○臨川吳氏曰自處於危者乃自  
安其位之道也○稟乎善將亡將亂者乃所以  
常保其存常有其治也九五否將休矣而不  
忘戒懼如此蓋於安存治之時而能不忘危  
亡亂之禍是以身之位得以安而國家可保  
其久存長治也○張子曰明君子之見幾

子曰德薄而位尊知小而謀大力小而任重鮮

繫辭下

不及矣易曰鼎折足覆公餗其形渥凶言不勝

其任也

知音智鮮仙善反折之說反  
餗音速渥於角反勝音升

**本義**此釋鼎九四爻義

漢上朱氏曰位欲當  
德謀欲量知任欲稱

力三者各得其實則利用而安身小人志在  
於得而已以人之國徵倖萬一鮮不及禍自  
古一敗塗地殺身不足以致塞其責者本於不  
知義而後已○融堂錢氏曰古之人君必量力  
度德而後授之官古之人臣亦必度力而後  
而後居其任雖百工胥史且猶不苟况三公  
乎為君不明於所擇為臣不審於自擇以至  
亡身危主誤國亂天下皆由不勝任之故可  
不戒哉○誠齋楊氏曰聖人亦豈責天下之  
人皆德厚而不薄皆知大而不小皆力多而  
不少哉亦責其貪位而不量已過分而  
不勝任以至覆人之餗敗已之身爾

子曰知幾其神乎君子上交不諂下交不瀆其



知幾乎幾者動之微吉之先見者也君子見幾而作不俟終日易曰介于石不終日貞吉介如石焉寧用終日斷可識矣君子知微知彰知柔知剛萬夫之望

先見之見賢遍反

程子曰先見則吉可知不見故致凶見幾而作不俟終日智之圓也介如石理素定也理素定故見幾而作何俟終日哉

**本義**此釋豫六二爻義漢書吉之之間有凶

字

朱子曰知幾其神乎便是這事難如邦有道危言危行邦无道危行言遜今有一樣

人其不畏者又言過於直其畏謹者又縮做一團更不敢說一句話此便是曉不得那幾若知幾則自中節无此病矣君子上交不諂下交不瀆蓋上交貴於恭遜恭則便近於諂

下交貴於和易和則便近於瀆蓋恭與諂相  
近和與瀆相近只爭些子便至於流也又曰  
上交近於諂下交近於瀆於此當知幾繞過  
些子便不是知幾周子所謂幾善惡者此也  
又曰君子上交不諂下交不瀆他這下面說  
幾最要看箇幾字只爭些子凡事未至而空  
說道理易見事已至而顯然道理也易見唯  
事之方萌而動之微處此最難見問幾者動  
之微何以獨於上下交言之曰上交要恭遜  
才恭遜便不知不覺有箇諂底意思在裏頭  
下交不瀆亦是如此所謂幾者只才覺得近  
諂近瀆便勿令如此便是知幾幾者動之微  
吉之先見者也漢書引此句言下有凶字當  
有凶字又曰凡人上交必有些小取奉底心  
下交必有些小簡傲底心所爭又只是些子  
能於此而察之非知幾者莫能又曰幾者動  
之微是欲動未動之間便有善惡便須就這  
處理會若到發出處更怎生奈何得所以聖  
賢說謹獨便是都是要就幾微處理會○知微  
知彰知柔知剛是四件事○問知微知彰知



柔知剛伊川作見微則知彰矣見柔則知剛  
矣其說如何曰也好看來只作四件事亦自  
好既知微又知彰既知柔又知剛言其无所  
不知所以為萬民之望也○張子曰幾者象  
見而未形者也形則彼乎明不待神而後知  
也吉之先見者順性命則所先皆吉也○  
漢上朱氏曰神難言也精義入神其唯知幾  
乎知幾其神矣幾者動之微吉之先見者也  
譬如陽生而井溫兩降而雲出衆人不識而  
君子見之○誠齋楊氏曰夫石者至靜而无  
欲至重而不動者也今也君子介然如石天  
下之可欲者何物能動之乎其見幾寧用終  
日而後識之乎○雙湖胡氏曰豫六二爻唯  
曰介于石不終日貞吉而夫子發明幾字以  
教人蓋介有幾義邪寬謂至纖至細處者深  
為得之上交謂五下交謂初唯當豫時不諂  
不瀆不沈溺於豫此其所以為知幾也○臨  
川吳氏曰穆生得免申白之禍者能見幾而  
作也劉柳竟陷佞文之黨者不能見幾而作也

月身傳義大全卷二十一 三

子曰顏氏之子其殆庶幾乎有不善未嘗不知  
知之未嘗復行也易曰不遠復无祗悔元吉

之復扶  
又反

**本義** 殆危也庶幾近意言近道也此釋復初

**九爻義** 朱子曰其殆庶幾乎殆是樂字之義  
又曰是近義又曰殆是危殆者是爭

些子底意思或以樂為因上文樂字而言但  
左傳與孟子庶幾兩字都只做近字說○顏  
子有不善未嘗不知知之未嘗復行今人只  
知知之未嘗復行為難殊不知未嘗復行今人只  
不知是難處今人亦有說道知得這箇道理  
及事到面前又却只隨私欲做將去前所知  
者都自忘了只為是不會知有不善未嘗不  
知知之未嘗復行直是顏子天資好如至清  
之水鐵芥必見○李氏椿年曰聖人无不善  
賢人則容有不善但未嘗不知知之未嘗復



行也。○臨川吳氏曰：程子云：「顏子无形顯之過。」夫子謂其庶幾未能不勉而中，所欲不喻。矩是有過也，然其明而剛，故一有不善，未嘗不知。既知，未嘗不遽改，乃不遠復也。過既未形，而改何悔之有？復者，陽反來復也。陽君子之道，故復為反善之義。初陽來復，處卦之初，復之最先，不遠而復者也。失而後有復，唯失之不遠而復，則不至於悔也。

天地絪縕，萬物化醇；男女構精，萬物化生。易曰：

「三人行則損一人，一人行則得其友。」言致一也。

絪音因，縕音云反。

**本義** 絪縕交密之狀。醇，謂厚而凝也。言氣化

者也。化生形化者也。此釋損六三爻義。朱子曰：「天

地絪縕，言氣化也。男女構精，言形化也。致一，專一也。唯專一所以能絪縕，若不專一，則各

繫辭下

言之下乾為天  
 下三爻而為損有天地細縕之象以乾上三爻交坤  
 女有男上坤變艮艮為少男下乾變兌兌為少  
 理同皆言其以一合萬物其本一也天地升  
 ○漢上朱氏曰天地萬物化矣醇而未離言其一而  
 降其氣絪縕萬物化生萬物未離各有陰陽精  
 未始離也天地既生萬物萬物各者有兩則  
 氣相交化生无窮男女日損自泰來以未成卦  
 有一也○建安丘氏曰損自泰來以未成卦  
 言之下乾為天  
 下三爻而為損有天地細縕之象以乾上三爻交坤  
 言之上坤變艮艮為少男下乾變兌兌為少  
 女有男上坤變艮艮為少男下乾變兌兌為少



虧陰陽之義也故陰得陽則為益以其虛也  
陽得陰則為損以其盈也良三索而得男乾  
道之所以成也兌三索而得女坤道之所以  
成也故三之於上則有天地網緼男女構精  
義之

子曰君子安其身而後動易其心而後語定其  
交而後求君子脩此三者故全也危以動則民  
不與也懼以語則民不應也无交而求則民不  
與也莫之與則傷之者至矣易曰莫益之或擊  
之立心勿恒凶易其之易以鼓反

**本義**

此釋益上九爻義

朱子曰心平氣和則能言易其心而後語

謂平易其心而後語也○上下繫說許多爻直如此分明他人如說得分明便淺近聖人

說來却不淺近有舍蓄所以分在上下繫也  
无甚意義是聖人偶去這處說又去那處說  
爾○融堂錢氏曰安其身易其心定其交非  
立心有恒者不能然立心有恒種種周密缺  
一便不謂全○平庵項氏曰危以動則民不  
與者黨與之與也○柴氏中行曰身順道則  
與之與也○柴氏中行曰身順道則安悖道  
則危心无險陂則易有險陂則懼以義相與  
為交定以利相與為无交動而與語而應求  
而與者物我一心而无間之者也○小人反是  
獨言莫之與則傷之者至矣  
以益之上九專利自益故也

### 右第五章

既舉胡氏曰夫子於繫辭上傳

於此章復舉九卦十爻之辭以發明易道今  
來亦只是隨時意之所欲言者則舉  
之逐爻各自有意義皆足為學者取法  
未必先立主意却以卦實之也○雲峯  
胡氏曰上繫七爻下繫十一爻皆象傳  
之文言也學易者可觸類而通其餘矣



子曰乾坤其易之門邪乾陽物也坤陰物也陰陽合德而剛柔有體以體天地之撰以通神明之德

撰仕勉反

程子曰或曰乾坤易之門其義難知餘卦則易知也曰乾坤天地也萬物烏有出天地之外者乎知道者統之有宗則然也而在卦觀之乾坤之道簡易故其辭平直餘卦隨時應變取舍无常至為難知也知乾坤之道者以為易則可也

**本義** 諸卦剛柔之體皆以乾坤合德而成故

曰乾坤易之門撰猶事也

朱子曰乾坤易之門不是乾坤外別

有易只易便是乾坤乾坤便是易似那兩扇門相似一扇開便一扇閉只是一箇陰陽做底如闔戶謂之坤闔戶謂之乾○問門者是六十四卦皆由是出如兩儀生四象只管生

出故曰門邪為復是取闔之義邪曰只是  
取闔而成但看他下文云乾陽物也坤陰  
闔陽合德而剛柔有體便見得只是坤陰  
○乾陽物坤陰物即說他做處○進齊徐氏  
上者天地之撰是說他無窮闔戶之義  
一曰闔一闔為乾陰畫為坤門變無窮皆二物也陰  
陽合德謂之二物交錯而相得有合剛柔有體  
謂成卦爻之體也天地之撰陰陽造化之迹  
也皆有形可擬故曰體天地之撰言聖人作  
易皆以體法造化之體而效其至著者也神  
明之德陰陽健順之性也又有理可推故曰通  
通神明之德至微者也又曰自形而上者言之  
理而極於後陽自形而下者言之故先剛而  
故先陰而後陽自形而下者言之故先剛而  
後柔○凌氏曰乾坤物於陰陽而由陰陽以  
闔闔故曰乾陽物也坤陰物也○節齋蔡氏  
曰乾坤合而後成也卦爻之體如剛來而下  
柔剛上而柔下此類皆由乾坤相合而成所



謂陰陽合德而剛柔有體也。○雲峯胡氏曰：其初也，陰陽分而為兩儀，陰陽之合則為四象。八卦而剛柔求，是乎有體著而天地之撰微而神明之德皆自乾開其始而坤成其終，故曰乾坤易之門。

其稱名也雜而不越於稽其類其衰世之意耶

**本義**萬物雖多无不出於陰陽之變故卦爻

之義雖雜出而不差繆然非上古淳質之時

思慮所及也故以為衰世之意蓋指文王與

紂之時也

或問其稱名也雜而不越是指繫辭而言是稱名也雜而不越是指繫

後面兩三番說名後又舉九卦說看來只是謂卦名○問於稽其類曰但不過是說稽考

其事類○其衰世之意邪伏羲畫卦時這般事都已有了只是未曾經歷到文王時世變

周易卷之九 三十三 三十一 二

不好古來未曾有底事都有了卦一經歷  
這崎嶇萬變過來所以說出了那卦辭如箕子  
之明夷如入于左腹獲明夷之心于出門庭  
此若不是經歷如何說○雲峯胡氏曰伏羲  
三畫卦名自乾一至坤八有自然之序因而  
重之亦然至文王稱卦之名則雜而非復伏  
義之序矣然其稱名雖雜而於伏羲之易未  
嘗差違稽類考占世之衰也蓋有不得不然  
者矣○梁氏中行曰乾坤之足以及盡天下  
萬物由之足矣何用不一之名以盡天下  
之情偽滋熾聖人不得不明其道以示天下  
○進齋徐氏曰上古之世俗朴民淳迷於吉  
凶之塗而莫知所趨故伏羲畫卦以教之占  
而吉凶以明斯民由之而無疑也雖乾陽坤  
陰剛柔交錯顯而體天之無疑也雖乾陽坤  
之德然剛勝則吉柔勝則凶亦未嘗費辭也  
中古以來人心變詐迷謬愈甚文王周公於  
是繫卦爻之辭易之辭稱名辨物稽類考占  
以開示陰陽之意蓋亦有不得已焉者故下  
世之意蓋亦有不得已焉者故下文又申言



之

夫易彰往而察來而微顯闡幽開而當名辨物

正言斷辭則備矣

夫音扶當去聲斷丁亂反

**本義**而微顯恐當作微顯而開而之而亦疑

有誤

朱子曰彰往察來往者如陰陽消長來者事之未來吉凶問彰往察來如神以

知來知以藏往相似往是已定底如天地陰陽之變皆已見在這卦上了來謂方來之變亦皆在這上曰是○微顯闡幽幽者不可見便就這顯處說出來顯者便就上面尋其不可見底教人知得如此顯道神德行相似德行顯然可見者道不可見者微顯闡幽是將道來事上看言那箇雖是粗底然皆出於道義之蘊微顯所以闡幽闡幽所以微顯只是  
一箇物事○繫辭自此以後皆難曉○進齋徐氏曰往謂陰陽消長剛柔變化卦爻所藏

者易皆著而明之故曰彰往來謂吉凶未定  
事之方來者占筮中所告可以前知故曰察  
來顯者微之使求其原故曰微顯幽者闡之  
使見其端故曰闡幽當名謂父子君臣之分  
貴賤上下之等各當其位也辨物謂乾馬坤  
牛離火坎水碩果莧陸之類悉辨其似也正  
言謂元亨利貞直方大之辭正其言以曉人  
也斷辭謂利涉大川不利涉大川可小事不  
可大事之語有以決其疑也○雲峯胡氏曰  
辨物正言斷辭後天之易也○視先天則為  
矣○臨川吳氏曰彰往即藏往也謂明於天  
之道而彰明已往之理察來即知來也謂察  
於民之故而察知未來之事微顯即神德行  
也謂以人事之顯而本之於天道所以微其  
顯闡者闡而顯之也闡幽即顯道也謂以天  
道之幽而用之於人事所以闡其幽上篇之  
藏往知來顯道神德行無著  
而言此則專以卦而言也

其稱名也小其取類也大其旨遠其辭文其言



曲而中其事肆而隱因貳以濟民行以明失得

之報

中丁仲反  
行下孟反

**本義**

肆陳也貳疑也

進齋徐氏曰負乘往來  
事名之小者也茅棘豕

雉物名之小者也所稱雖小而其所取之類  
皆本於陰陽非稱名也小取類也大乎旨謂  
所示之理文謂經緯錯綜也極天下之曠凡  
天地陰陽道德性命之奧象皆示之而其  
繫之辭經緯錯綜皆有自然之文非其旨遠  
其辭文乎曲委曲也凡委曲其文者未必皆  
中乎理易則言雖曲而无不中也肆陳也凡  
數陳其事者无有隱而不彰易則事雖肆而  
其理未嘗不隱也貳疑也報猶應也失得之  
報吉凶之應也因民之疑貳而決其疑以濟  
其所行有以明著其吉凶之應也○雲峯胡  
氏曰稱名雖小而取類於陰陽也甚大不可  
以淺近早吾易也其旨雖遠而其言雖委曲  
而又不可以高遠荒吾易也其言雖委曲而

皆中於理易豈高遠之書哉其事雖橫陳而  
實本於至隱易豈淺近之書哉上古之時唯  
有易畫以明失得之報而民無疑至于衰世  
不得不因民之疑而明之以辨矣○雙湖胡  
氏曰此一節上六句皆是抑揚說易書所載  
名雖小而類則大旨雖遠而辯則文言雖曲  
而理則中事雖肆而理則隱正與書直而溫  
寬而栗等語同意凡此者无非因民心之疑  
貳而欲濟其所行以易而明示其失得之報  
故也○臨川吳氏曰自夫子易以下至此皆論  
文王彖辭雖取類之大辭之文事之肆  
而隱爻辭亦然而此則專為彖辭言也

右第六章

**本義**此章多闕文疑字不可盡通後皆

**放此**之雙湖胡氏曰此章專論乾坤為易

關鍵也其究則无非所以  
斷民疑明吉凶之報耳





也并德之地也巽德之制也

**本義**

履禮也上天下澤定分不易必謹乎此

然後其德有以為基而立也謙者自卑而尊人又為禮者之所當執持而不可失者也九卦皆反身修德以處憂患之事也而有序焉基所以立柄所以持復者心不外而善端存恒者守不變而常且久懲忿窒慾以修身遷善改過以長善困以自驗其力井以不變其所然後能巽順於理以制事變也

朱子曰履德之基只

是要以踐履為本謙德之柄只是要謙退若處患難而矯亢自高取禍必矣復德之本如



孟子所謂自反困德之辨困而通則可辨其  
是困而不通則可辨其非損是慤忿室慾益  
是修德益令廣大異德之制異以行權異只  
是低心下意要制事須是將心入那事裏面  
去順他道理方能制事方能行權若心粗只  
從事皮膚上綽過如此行權便錯了異伏也  
入也○問井德之地曰井有本故澤及於物  
而井未嘗動故曰居其所而遷如人有德而  
後能施以及人然其德性未嘗動也○問異  
何以為德之制曰異為資斧異多作斷制之  
象蓋異字之義非順所能盡乃順而能入之  
義謂巽一陰入在二陽之下是入細直徹到  
底不只是到皮子上如此方能斷得殺若不  
見得盡如何可以行權○進齋徐氏曰履踐  
也基猶基址禮卑如地人之踐履一循乎禮  
是從實地上立脚步皆實則德有其基自  
下積累而上故曰德之基復為反善之義人  
非聖人不能不流於惡能於念慮之萌人所  
不知已所獨知之處審其幾而復於善焉是  
德有其本也人處困窮出處語默之間取予

辭受之際最可觀德當義則為君子違理則  
為小人明辨於私所以自驗其所守也○雲  
峯胡氏曰夫子偶於上經取三卦下經取六  
卦言文王以憂患之心作易而文王屢憂患  
之道自无非易也履之象安處於象上天下  
澤定分不易履之象以非易也履之象中  
所以為禮也謙之象地中有山不見其高謙  
之象以禮也復則一陽生於三陰之下此謙  
以制禮也復則一陽生於三陰之下此謙  
心可見本義所謂心不於五陰之下天地之  
言也如墉之基所以立也如器之柄所以執  
也文王之禮也如木之本所以生也文王之  
仁也恒德之固文王之德之無時而改過困  
而命也損以懲忿窒慾益以遷善改過困  
以知命而取舍有辨井以定性而動靜不改  
其終也巽順於理以制事變文王蓋无適而  
非義也○雙湖胡氏曰此初陳九卦之德雖  
未說到聖人用易處然以此文王之聖之德  
亦不已其於九卦之德固  
自統會於其心也久矣



復和而謙尊而光復小而辨於物恒雜而不  
厭損先難而後易益長裕而不設困窮而通井  
居其所而遷巽稱而隱

易以致反長丁  
丈反稱尺証反

程子曰益長裕而不設謂固有此理而就  
上充長之設是撰造也撰造則為偽也

**本義**此如書之九德禮非強世然事皆至極

謙以自卑而尊且光復陽微而不亂於羣陰  
恒處雜而常德不厭損欲先難習熟則易益  
但充長而不造作困身困而道亨并不動而

及物巽稱物之宜而潛隱不露

朱子曰履之  
為卦君臣上

下各履其位而得其和者也  
和則疑於平易而非極至之義然各得其所而不亂焉是乃

所以和而至於其下八卦之說其例皆然。○履  
和而至於其下每句皆是反說如謙本以自卑  
却尊而光若泰人尊君卑臣則雖尊而不  
光唯謙則尊而光又光○復小兩臣則雖尊而不  
復卦是一陽方生於羣陰之下如幽暗中一  
點白是而辨也又曰復雖一陽方生然而  
與衆陰却不相亂如人之善端一陽方萌雖小  
而衆惡却不遏他不得○損先難而後易如子  
產為政鄭入歌之曰孰殺子產而後易如子  
三年人復歌而頌之蓋事之初在我亦有  
勉強在入亦有所難堪久之當事理順人心  
這裏方易便如利者義之和一般義是一箇  
斷制物事却似不和許多嚴凝肅殺之氣似  
為和如萬物到秋許多嚴凝肅殺之氣似可  
畏然萬物到這裏若不得此氣收斂凝結許  
多生意又無所成就其難者乃所以為易也  
益長裕而不設長裕只是一事但充長自  
物事教寬裕而已困窮而通此因困卦說澤  
无水困君子以致命遂志蓋此是致命遂志  
之時所以困之彖曰險以說困而不失其所



亨其唯君子乎蓋處困而能說也○井居其所而遷又云井德之地也蓋井有定體不動然水却流行出去不窮猶人心有持守不動而應變不窮也德之地也地是指那不動底○巽稱而隱巽是箇卑巽底物事如兌見而巽伏也自是箇隱伏底物事蓋巽一陰在下二陽在上陰初生時已自稱量得箇道理了不待顯而後見如事到面前自家便有一箇道理處置他不待發露出來又曰稱而隱是巽順恰好底道理有隱而不能稱量者有能稱量而不能隱伏不露形迹者皆非巽之道也巽德之制也巽以行權都是此意○問隱字何訓曰隱不見也如風之動物无物不入但見其動而不見其形權之用亦猶是也○節齋蔡氏曰和則不能必至而履之微昧者至尊者不能必先而謙之尊則能光徹昧者不辨於物而復之小則能辨難者人厭之而恒之難則不厭難者不易而損先難則有後易之理設施為也裕則多施為而益之裕則不施窮則不通而困之窮則能通遷謂養物

不窮也居其所則不遷而井之居則能遷稱  
輕重等也稱則形著而巽之稱則能隱此如  
書之九德蓋無體用而言也○進齋徐氏曰  
設施為也自然充長不待施為以求其益也  
益之道當俟其涵養從容自然有得不可萌  
欲速助長之心設謂有所安排布置要如何  
也○西山真氏曰損先難而後易蓋忿心易  
幾難制欲心易開難塞故其始也懲之塞之  
為甚難然天理既明人欲自熄其為力又有  
所不難者故曰後易益長裕而不設蓋主利  
物而言長裕者謂充廣吾寬裕之德則其利  
益自然及物不待安排做作也故曰不設○  
雙湖胡氏曰此兼陳九卦之材亦未說到聖  
人用易處然聖人既有九卦之德亦必有九  
卦之材其和而至於稱  
而隱固其餘事矣

履以和行謙以制禮復以自知恒以一德損以  
遠害益以興利困以寡怨井以辨義巽以行權



和行之行下孟  
反遠袁萬反

程子曰巽以行權義  
理所順處所以行權

**本義**寡怨謂少所怨尤辨義謂安而能慮子朱

曰三陳九卦初无他意觀上面其有憂患一  
句便見得是聖人說處憂患之道聖人去這  
裏偶然看得這幾卦有這箇道理所以就這  
箇說去天下道理只在聖人口頭開口便是  
道理偶說此九卦意思自足若更添一卦也  
不妨更不說此一卦也不妨只就此九卦中亦  
自儘有道理且易中儘有處憂患底卦非謂  
九卦之外皆非所以處憂患也後世拘於象  
數之學者以為九陽數聖人之舉九卦蓋合  
此數也尤泥而不通觀聖人之經正不當如  
此若以困為處憂患底卦則屯蹇非處憂患  
而何又曰今之談經者往往有四者之病本  
卑也而抗之使高本淺也而鑿之使深本近  
也而推之使遠本明也而必使至於晦○禮

主卑下履也是邦踐履處所行若不由禮自  
是乖戾所以曰履以和行謙又更卑下所以  
節制乎禮又曰禮是自家恁地卑下論是應  
物而言○困以寡怨是得其處困之道故无  
所怨於天○井以辨義辨人若不得其道則有  
怨尤矣○井以辨義辨事之是非若自家心不  
得自家先定方能辨其義也○問巽有優游  
定事到面前安能辨其義也○巽有優游  
巽入之義權是仁精義熟於事能優游以入  
之意曰是○巽是入細底意說在九卦之後  
是這八卦事了方可以行權○問巽以行權  
曰權之用便是如此見得道理精熟後於物  
之精微委曲處无處不入所以說巽以行權  
又問恐是神道曰不須如此說巽只是柔順  
低心下意底氣象入至行權處不少巽順如  
何行得○巽以行權兌見而巽伏權是隱然  
做底物事若顯然地做却不成行權此外八  
卦各有主皆是處憂患之道○雲峯胡氏  
曰謙以制禮而履以和行則禮之至者也井  
以辨義而巽以行權則義之精者也○邵子



曰入道不能无怨故言寡怨所謂怨是用希  
是也○樂氏中行曰道始於踐履而終以知  
權故孔子以可與權為學之至○西山真氏  
曰九卦之義更當各就全卦反覆觀之以求  
夫所謂慶憂患者庶乎得之又此章之下云  
易之為書也不可遠又明於憂患與故則易  
之一書无非明於憂患而慶以道者又不特  
九卦為然也○雙湖胡氏曰三陳九卦自有  
次第第一節論九卦之德第二節論九卦之  
材第三節方論聖人用九卦以慶憂患之道  
故皆以以字明之亦如六十四卦大象必着  
一以字以明用易也然文王之聖心與易會  
居平時處憂患无一非易况演易姜里即身  
是易豈待逐卦而以一之乎夫子亦始論其慶  
憂患之道以其近似者言之而為萬世學易  
者之法矣苟膠焉不通則豈所謂易者哉

## 右第七章

**本義**此章三陳九卦以明慶憂患之道

雲峯胡氏曰此章三陳九德雖夫子偶  
 即九卦言之然上經自乾至履九卦下  
 經自恒至損益亦九卦上經履至謙五  
 卦下經益至困井亦五卦上經謙至復  
 又九卦下經井至巽又九卦上經自復  
 而後八卦下經為下經之恒卦上經自  
 未濟亦八卦復為上經之乾卦上經對  
 待又似非偶然者或於此可見文王之  
 心焉對待凡十卦置乾不言乾為君也  
 文王常存事君之心而不知其有君  
 民之大德者也然有互體離在焉實未嘗  
 晦其明者也  
 也 不明

易之為書也不可遠為道也屢遷變動不居周  
 流六虛上下无常剛柔相易不可為典要唯變

所適

遠表萬反  
 上時掌反



本義遠猶忘也周流六虛謂陰陽流行於卦

之六位

朱子曰易不可為典要易不是確定

排定三百五十四贊當晝三百五十四贊當

夜晝底吉夜底凶吉之中又自分輕重凶之

中又自分輕重易却不然有陽居陽爻而吉

底又有凶底有陰居陰爻而吉底又有凶底

有有應而吉底有有應而凶底是不可為典

要之書也是有那許多變所以如此○上下

无常唯變所適便見得易人有人可用不是死

法雖道是二五是中却其間有位二五而不

吉者有當位而吉亦有當位而不吉者○三

繫辭下

起下文之意也。自變動不居，至唯變所適，言易道之屢遷也。不居，猶不止也。六虛六位也。位，未有不實，有也。虛，卦雖六位，而剛柔爻畫往來，如寄非實，有也。故以虛言，或自剛上而降，或由下而升，上下无常也。柔，剛柔相易也。典，常也。柔，束文剛分，剛上而文不可為典要，唯變所適而已。鶴山魏氏曰：六畫六爻六位，六虛四者，相近而不同。爻者，動也。專指九六則，父男之策也。總而言之，畫即七八九六則，包男女之策也。總而言之，畫即為爻析而言之。父與畫異，畫之見者，又為位。爻之變者，又為虛也。故曰：變動不居，周流六虛，從從父而為虛也。曰：六畫成卦，六位成章，虛從畫而為位也。然其實皆自奇耦之畫始，奇耦則太極之分者也。

其出入以度外內使知懼

**本義**

此句未詳疑有脫誤

或問外內使知懼據文勢合作使內



外知懼始得朱子曰是如此不知這兩句是  
如何硬解時也解得去但不曉其意是說甚  
底以上下文意都不相屬○漢上朱氏曰出入  
者以卦內外體言出者自內之外往也入者  
自外之內來也以是觀消息虛盈之變出處  
進退之理使知戒懼當出而入當入而出其  
患一也

又明於憂患與故无有師保如臨父母

**本義** 雖无師保而常若父母臨之戒懼之至

朱子曰使知懼便是使人有戒懼之意易中  
說如此則吉如此則凶是也既知懼則雖无  
師保一似臨父母相似常恁地戒懼○南軒  
張氏曰師者教之道保者輔其躬○節齋蔡  
氏曰故所以也又明所當之憂患與致憂患  
之所敬也至是雖无師保亦如臨乎父母之側  
而愛敬之至此言與民同患而必以洗心先  
余氏曰上繫雖言與民同患而必以洗心先

之之意又發造化不與聖人同憂

初率其辭而揆其方既有典常苟非其人道不

虛行癸癸反

**本義**方道也始由辭以度其理則見其有典

常矣然神而明之則存乎其人也朱子曰既有典

一常了占得他這爻了吉凶自定這便是有典  
典常○凌氏曰率其辭之所指而揆其方之  
所向則其道雖不可為典要而其書則有典  
可循有常可蹈也然非得其人亦何以行之  
哉○節齋蔡氏曰此又合書與道而言也

**右第八章**雙湖胡氏曰此章專論玩辭觀

人也書者卦爻之辭也道之屢遷者卦  
爻之變也此二句一章綱領變動不居



以下言其變也明於憂患以下言其辭  
也自其變觀之則九六之交周流於虛  
位之間或上或下而無常皆一剛一柔  
之相易不可為典要而唯變所適然其  
剛柔之或上而出於外也既足為斯人  
之法度使知懼於外其剛柔之或下而  
入於內也亦足為斯人之法度使知懼  
於內豈徒變之云乎自其辭觀之則明  
於憂患而如父母之臨率辭揆方而有  
典常之可法而後總之以苟非其人道  
不虛行則玩辭觀變之學誠有  
望於其人也聖人之意可見矣

易之為書也原始要終以為質也六爻相雜唯

其時物也

要一遙  
反下同

**本義**質謂卦體卦必舉其始終而後成體爻

則唯其時物而已

進齋徐氏曰此總言聖人  
作易所以立卦生爻之義

下文又逐爻分說而申明之也。質謂卦體時  
 謂六位之時物。謂陰陽二物也。原其事之始  
 要其事之終。以爲一卦之體。質卦有六爻。剛  
 柔錯雜。隨其時。辨其物。言卦雖有全體。而爻  
 亦无定用也。○雲峯胡氏曰。卦有定體。故曰  
 質爻无定用。故曰時。○錢氏藻曰。六爻相雜  
 唯其時之不同。而其事物亦異。如乾之取龍  
 一物也。或潛或見。或躍或飛。之不同者。時也  
 如漸之取鴻。亦一物也。而于干于  
 磐于陸于木之不同者。亦時也。

其初難知其上易知本末也初辭擬之卒成之

終  
易以  
 豉反

**本義** 此言初上二爻之節。齋蔡氏曰。初爻者卦  
 難知。上爻者卦之末。末則其質已著。故易知  
 難知。則所繫之辭必擬議而後得。易知但卒

其卦之辭而成其卦之終也。○雲峯胡氏曰  
 此承上文原始要終而言也。原其始則初爻



為本質未明故難知要其終則上爻為末質  
已著故易知故初爻之辭必擬之而上爻之  
辭則成之矣○臨川吳氏曰初與終為對  
擬之與卒成之為對兩句文法顛倒相互

若夫雜物撰德辨是與非則非其中爻不備

扶

**本義**

此謂卦中四爻

朱子曰其初難知至非

解了但都曉他意不得這下面却說一箇噫  
字都不成文章不知是如何後面說二與四  
同功三與五同功却說得好但不利遠者也  
曉不得○問雜物撰德辨是與非則非其中  
爻不備曰這樣處曉不得某常疑有闕文先  
儒解此多以為互體如屯卦震下坎上就中  
間四爻觀之自二至四則為坤自三至五則  
為艮故曰非其中爻不備互體說漢儒多用  
之左傳中一處說占得觀卦處亦舉得分明  
看來此說亦不可廢○問易中互體之說或

繫辭下

周易傳義卷之六

以為雜物撰德辨是非與非則非其中爻不備  
此是說互體曰今人言互體皆以此為說但  
亦有取不得處如願大過之類是也王輔嗣  
又言納甲飛伏尤更難理此等不必深泥○  
雲峯胡氏曰此承上文六爻相雜而言也六  
爻本自相雜二三四五六爻之中又雜物  
撰德者如屯下震物為雷德為健上坎物為  
雲德為險下互坤則雜物為地撰德為順矣  
上互艮則又雜物為山撰德為止矣亦可以  
辨是與非而又易愈備矣○容齋洪氏曰如坤  
坎為師而六五之爻曰長子帥師以正應九  
二而言蓋指二至四為震也坤艮為譌而初  
六之爻曰涉大川蓋自二而上則六二九三  
六四為坎也○臨川吳氏曰內外既有二正  
卦之體中四爻又成二互體之卦然後其義  
愈无遺闕非以此正體互體並觀則其義猶  
有不備正體則二為內卦之中五為外卦之  
中互體則三為內卦之中四為外卦之中故  
皆謂之中爻○雙湖胡氏曰是非者當位不  
當位中不中正不正也內外卦既足以示人



矣復自互體而辨之則是是非非於是乎益  
可見焉○潘氏夢旂曰不言吉凶而曰辨是  
凶與非則知矣

噫亦要存亡吉凶則居可知矣知者觀其彖辭

則思過半矣知音

**本義**彖統論一卦六爻之體臨川吳氏曰上

二爻及中四爻此又總六爻言之噫歎義辭  
存亡者陰陽之消息吉凶者事情之得失要  
其存亡吉凶之所歸則六爻之義居然易見  
可指掌而知矣又謂知者能見事於未形雖  
不觀各爻之義但觀卦首之彖辭則所思已  
得十分之五六矣蓋彖辭或論二體或論主  
爻或論卦變相易之爻是以待觀六爻而  
已可見也章首第一句言彖第二句總言六  
爻此一節又總言六爻而復歸重於彖蓋為  
結語與章首起語相始終下文則又更端而

繫辭下

言中四爻也。○括蒼龔氏曰：彖者，原始要終，以為質者也。故智者觀之，无待於爻，蓋所要愈約，則所知愈易。中四爻者，六爻之要，而彖者又一卦之要也。

二與四同功而異位，其善不同。二多譽，四多懼。

近也。柔之為道，不利遠者，其要无咎，其用柔中。

也。要如字又一遙反下章同

**本義**：此以下論中爻同功，謂皆陰位異位，謂

遠近不同。四近君，故多懼。柔不利遠，而二多

譽者，以其柔中也。或問：其要无咎，其用柔中，也近君則當柔，和遠去則

當有強毅剛果之象，始得此二之所以不利。然兩居中，所以无咎。朱子曰：也是，是地說。

潘氏夢旂曰：二與四功同乎？陰而位有內外之異，二遠於君，雖在下而多譽，四近於君，雖



在上而多懼然陰柔之道遠則難援二之遠  
而大要无咎者以其雖柔而居下體之中也  
○雲峯胡氏曰上文雜物撰德是謂中爻之  
互體此則論中爻之本體二與四為陰陰以  
降為用故不成乎四退而成乎二柔雖不利  
遠者二陰成而得中故多譽四近君若陰柔  
未成而不中故多懼○魯齋許氏曰二與四  
皆陰位也四雖得正而猶有不中之累況不  
得其正者乎二雖不正猶有得中之義況正  
而得中者乎四近君之臣也二遠君之臣也  
其勢又不同此二之所以  
多譽四之所以多懼也

三與五同功而異位三多凶五多功貴賤之等

也其柔危其剛勝耶

勝音升

**本義**三五同陽位而貴賤不同然以柔居之

則危唯剛則能勝之

潘氏夢旂曰三與五功同乎陽而位有貴賤之

異三以臣之賤而居下卦之上故多凶五以  
君之貴而居上體之中故多功然五君位也  
柔居之則危剛居之則能勝其事故六居五  
多危九居五多吉也○雲峯胡氏曰三與五  
為陽陽以升為用故不成乎三獨進而成乎  
五五為貴又陽剛成而得中故多功三為賤  
又陽剛未成而不中故多凶其柔危其剛勝  
專為三言也於四不曰其剛危者九居四猶  
為剛而能柔者危者六居三則才柔而志剛  
所以危也○魯齋許氏曰上卦之中乃人君  
之位也一卦之德莫精於此在乾則剛健而  
斷在坤則重厚而順未或有先之者至於坎  
險之孚誠離麗之文明巽順於理艮篤於實  
皆能首出乎庶物不問何時克濟大事傳謂  
五多功者此也獨震忌強輔克比小人之  
君道為未善觀其戒之強辭則可知矣

# 右第九章

示雙湖胡氏曰此章專論爻畫以

之初上又次論中四爻因及彖辭末則  
申論中四爻分二四三五陰陽而論以



見遠近貴賤安危之不同而剛柔之用  
亦異其致意在中四爻而四爻之中所  
主又在二五居  
二體之中也

易之為書也廣大悉備有天道焉有人道焉有  
地道焉兼三才而兩之故六六者非他也三才  
之道也

**本義** 三畫已具三才重之故六而以上二爻

為天中二爻為人下二爻為地漢上朱氏曰天地人三者

一物而兩體陰陽也而謂之天剛柔也而謂  
之地仁義也而謂之人故曰三才兼三才而  
兩之故六兼之者天之道兼陰與陽也地之  
道兼柔與剛也人之道兼仁與義也六者非  
他即三才之道也是故三畫有重卦六即三  
三即一也○臨川吳氏曰一而不兩則獨而

无對天獨陽而无陰地獨陰而无陽人之陰  
陽亦混而不分必皆無而兩之天人地各有  
陰陽然後其道全而不偏所以重三畫之卦  
而為六畫者此也。誠齋楊氏曰重卦之後  
則兼三才而兩之是一三才為兩三才也合  
為一卦則陰或居上安知地之不為天陽或  
居下安知天之不為地五為君則天道  
為人道矣二為臣則地道為人道矣

道有變動故曰爻爻有等故曰物物相雜故曰

文文不當故吉凶生焉

當都浪反

**本義**道有變動謂卦之一體等謂遠近貴賤

之差相雜謂剛柔之位相間不當謂爻不當

位

或問道有變動故曰爻爻有等故曰物物相雜故曰文朱子曰道有變動不是指那

陰陽老少之變是說卦中變動如乾卦六畫初潛二見三惕四躍這箇便是有變動所以



謂之爻爻中自有等差或高或低或遠或近  
或貴或賤皆謂之等易中便可見如說遠近  
相取而悔吝生近而不相得則凶二與四同  
功而異位二多譽四多懼近也三與五同功  
而異位三多凶五多功貴賤之等也如列貴  
賤者存乎位位皆是等也物者想見古人占卦  
必有箇物事名為物而令亡矣這箇物是那  
列貴賤辨尊卑底物相雜故曰文如有君又  
有臣便為君臣之文是兩物相對待在這裏  
故有文若相離去不相干便不成文矣卦中  
有陰爻又有陽爻相間錯則為文若無陰無  
陽有陽無陰如陽爻得相間錯則為文若無  
之全體三才之道也變動則變動不居如潛見  
躍飛之類皆道之變動而謂之爻爻也者效  
天下之動也或剛或柔而小大有等故謂之  
物物即陰陽二物也一不獨立二則為文陰  
陽兩物交相錯雜故謂之文陽居陽位陰居  
陰位當也陽居陰位陰居陽位不當也吉凶  
由是而生則可以觀變玩占而見其文之著  
矣○雲峯胡氏曰前章始以質言此章末以

文言卦必舉始終而成體故曰  
質爻必離剛柔以為用故曰文

### 右第十章

雙湖胡氏曰此章論易不徒爻

是道所以變動不居即其為道也屢遷  
之義使徒有是爻而非有道寓於其間  
則亦何變動之有若物相離則是因六  
爻中陰陽二物自相離居而成文以生  
吉凶而為人事  
失得之象耳

易之興也其當殷之末世周之盛德邪當文王  
與紂之事邪是故其辭危危者使平易者使傾  
其道甚大百物不廢懼以終始其要无咎此之  
謂易之道也

易者之易  
以鼓反

### 本義

危懼故得平安慢易則必傾覆易之道



也

朱子曰其辭危是有危懼之意故危懼者

於萬物之理無所不具故曰百物不廢其要

是要其歸之聲則是要約之義若作平聲則

聲是這裏取那裏意思又曰聲是要焦地要平

○樂氏中行曰非末世則情偽不如是之滋

熾也非盛德則易道無自而傳也末世紂之

後世故其辭危懼此因文王之心憂患天下

能使如此節齊蔡氏曰易之道大百物皆不能

道也○節齊蔡氏曰易之道大百物皆不能

廢也懼即憂危之謂○進齊徐氏曰危者使

繫辭下

則要其終而無咎矣○進齊徐氏曰危者使

平易者使傾然非有使之也天之生物必因

材而篤焉故裁者培之傾者覆之亦自然之

理也○雲峯胡氏曰文王以憂患之心作易

故其辭危懼故安平慢易故傾覆易之道

雖廣大悉備不過使人懼以終始而己懼以

始者易懼以終而猶始者懼以終始而己懼

君子終日乾乾夕惕若厲无咎  
此懼以終始其要无咎之說也

# 右第十一章

誠齋楊氏曰前言易興於中  
古作於憂患仲尼之意已屬

之文王矣以爲未足也此章又明言易  
興於殷之末世周之盛德猶以爲未足  
也又指而名之曰當文王與紂之事則  
无復秋毫隱情矣嗟夫千載之屈有辜  
逢一朝之伸一家之私有不沒天下之  
公文王无遇於紂而有遇於仲尼其千  
載之屈一朝之伸與紂殷王也仲尼殷  
後也而仲尼賤殷爲末世衰周爲盛德  
指紂之名而不諱稱文王之公與大哉  
其不以一家之私沒天下之公與大哉  
文王之聖與大哉仲尼之公與○雙峯  
胡氏曰夫子原易之作明指伏羲原易  
之興明指文王曰畫卦因重辭危可謂  
萬世之日月獨少一言以及周公之爻  
惜哉



夫乾天下之至健也德行恒易以知險夫坤天

下之至順也德行恒簡以知阻

行下益反易以  
致反阻莊呂反

**本義**

至健則所行无難故易至順則所行不

煩故簡然其於事皆有以知其難而不敢易

以處之也是以其有憂患則健者如自高臨

下而知其險順者如自下趨上而知其阻蓋

雖易而能知險則不陷於險矣既簡而又知

阻則不困於阻矣所以能危能懼而无易者

之傾也

或問乾是至健不息之物經歷艱險  
處多雖有險處皆不足為其病自然

足

以進之而无難否朱子曰不然舊亦嘗如  
此說覺得終是硬說易之書本意不如此正

要人知險而不進不說是恃我至健至順了  
凡有險阻只認冒進而無難如此大非聖人  
作易之意觀上文言云易之興也其當殷之末  
世周之盛德耶當文王與紂之事耶是故其  
辭危危者使平易者使傾其道甚大百物不  
廢懼以終始其要无咎此謂易之道也看他  
此語但是恐懼危險便不敢輕進之意乾之  
道便是如此卦中皆然所以多說見險而能  
止如需卦之道著可見易之道正是要人知進  
退存亡之道是冒險前進必陷於險是知  
進而不退知退知存而不知亡豈乾之道耶唯  
其至健而不知險故止於險而不陷於險也此  
是就人事上說險與阻不同險是自上視下  
見下之險故不敢行阻是自下觀上為上所  
阻故不敢進又曰自山下為險故指乾而言  
而不言自山上觀山下為險故指坤而登  
山而明險阻之義又曰乾雖至健知得險了  
却不下去坤雖至順知得阻了更不上去○  
此段專是以憂患之際而言且如健當憂患  
之際則知險之不可乘順當憂患之際便知



阻之不可越這都是當憂患之際處憂患之  
道當如此因憂患方生那知險知阻若只就  
健順上看便說不相似如上下文說危者使平  
易者使傾能說諸心能研諸慮皆因憂患說  
大要乾坤只是循理而已他若知得前有險  
之不可乘而不去則不陷於險知得前有阻  
之不可冒而不去則不困於阻若人不循理  
以私意行乎其間其過乎剛者雖知險之不  
可乘却硬要乘則困於阻矣只是順理便無事  
越却硬要越則困於阻矣只是順理便無事  
又問在人固是如以此天只是大綱說箇乾坤  
在天地自是無險阻這只是大綱說箇乾坤  
底意思是如疑其不畏險然却知險而不越  
夫阻夫健却疑其不畏險然却知險而不越  
蓋他當憂患之際故也又問簡易曰若長是  
易時更有甚麼阻險他便不知險矣只是當  
時更有甚麼阻險他便不知險矣只是當  
之際方見得○南軒張氏曰健者疑若不知  
險也今乾至健而德行恒易故知險而不為  
陰所陷順者疑若不知阻也今坤至順而德

行恒簡故知阻而不為陽所拒○漢上朱氏  
曰上繫言易簡而天下之理得下繫終之以  
易簡而知險阻故曰殊塗而同歸一致而百  
慮○雲峯胡氏曰前言乾之德行所以恒簡者  
坤之所以為易簡蓋乾之德行所以恒簡者  
何也乾天下之至健也坤之德行所以恒簡  
者何也坤天下之至順也乾健而易宜無險  
矣坤順而簡宜無阻矣此復曰險阻者為上  
文有憂患而言也下危曰險乾健順而又不  
日阻坤在下也以乾坤健順而又不日險阻  
之辭危也健而不知險則其健也不陷順而  
阻則其順也不阻此危者之使平也不陷而  
險阻而或陷焉此易者之使傾也聖人憂患  
傾也聖人憂患之意至矣哉

能說諸心能研諸侯之慮定天下之吉凶成天

下之亶亶者說音悅

本義侯之二字衍說諸心者心與理會乾之



事也研諸慮者理因慮審坤之事也說諸心

故有以定吉凶研諸慮故有以成亶亶

朱子曰能

說諸心是理會得了於事上更審一審便是研

諸慮研是去研磨他○能說諸心乾也能研

諸慮坤也說諸心有自然底意思故屬陽研

為乾事之已為者屬乎陰成亶亶所以為坤

大抵言語兩端處皆有陰陽如開物成務開

行是陰周子之書屢致知力行致知是陽力

定吉凶是陽成亶亶是陰且以做事言之吉

凶未定時人自意思懶散不肯做去吉凶定

陽重濁屬陰成亶亶是做將去涉於事為故

屬陰○定天下之吉凶是剖判得這事成天

下之亶亶是做得到事業○平庵項氏曰唯乾

坤知之明故能道占者之心使之說能因占者之慮為之研○漢上朱氏曰天下之吉凶藏於無形至難定也天下之亶亶來而不已至難成也定之成之者易簡而已○雲峯胡氏曰理悟而心悅乾之事也故有以定吉凶事來而慮研坤之事也故有以成亶亶此言易之辭危而能使人如此也

是故變化云為吉事有祥象事知器占事知來

**本義**

變化云為故象事可以知器吉事有祥

故占事可以知來

朱子曰此節上兩句是說理如此下兩句是說人就此

上知得在陰陽則為變化在人事則為云為吉事自有祥兆唯其理如此故於變化云為則象之而知已有之器於吉事有祥則占之而知未然之事也○問凡見於有形之實事者皆為器否曰易中器字是係地說○問易書之中有許多變化云為又吉事皆有休祥



之應所以象事者於此而知器占事者於此  
而知來曰是問變化云為主於人而言否  
日變化者陰陽之所為云為者人事之所作  
○變化云為是明吉事有祥是幽象事知器  
是人事占事知來是他方有箇禎祥便占得他  
事去占事知來是禎祥見乎蓍龜之類吉事有  
如中庸言必有禎祥見乎蓍龜之類吉事有  
祥凶事亦有○息齋余氏曰變化云為吉事  
有祥不假象占者也象事知器占事知來求  
諸象占者也○不假象占百姓之器占事知來求  
○雲峯胡氏曰在天道為變化在人事為云  
為人事與天道相符則吉事有祥矣此言易  
之理如此也於變化云為則象之而知其已  
形之器於吉事有祥則占之而知其未形之  
事此言人於易之理  
可以知其如此也

天地設位聖人成能人謀鬼謀百姓與能與音

程子曰天地設位聖人成能且行乎天地之  
中所以為三才天地本一物也地亦天也只

是人為天地心是心之動則分了天為上地為下無三才而兩之故六也

**本義**

天地設位而聖人作易以成其功於是

人謀鬼謀雖百姓之愚皆得以與其能

朱子曰天

地設位四句說天人合處天地設位使聖人  
成其功能與人謀鬼謀則雖百姓亦可以與其  
能成能與與能雖大小不同然亦是小小底  
造化之功與用然百姓與能却須因蓍龜而方  
知得百姓無知因卜筮便會做得事人謀鬼  
謀猶洪範之謀及卜筮卿士庶人相似○雲  
峯胡氏曰天理有此理不能以告人聖人作  
為卜筮之書明則謀諸人幽則謀諸鬼百姓  
亦得以與天地不能成之所以成天地之能也  
聖人成天地之能也○臨川吳氏曰健順易  
簡知險知阻此天地之能也○臨川吳氏曰  
成亶亶此聖人之能也○百姓之能而天地之  
之祥象占之知此百姓之能而天地之能而與  
聖人之能



也者

八卦以象告爻彖以情言剛柔雜居而吉凶可見矣

**本義**

象謂卦畫爻彖謂卦爻辭

朱子曰八卦以象告以爻辭

說得叢雜不知如何○張子曰八卦有體故象在其中錯綜為六十四卦爻彖所趨各異故曰情言○南軒張氏曰八卦成列象在其中矣此八卦所以告人以象至於爻者變也彖者材也皆有辭者此聖人以情而言於人也剛柔雜居則交通以此趨時而或失或得故吉凶見焉○雲峯胡氏曰以象告者先天之易也以情言者後天之易也剛柔雜居而吉凶可見上古觀之於象可見後世非爻彖以情言不可也

變動以利言吉凶以情遷是故愛惡相攻而吉

繫辭下

周易傳義卷八

五十四

一

凶生遠近相取而悔吝生情偽相感而利害生  
凡易之情近而不相得則凶或害之悔且吝惡

反路

**本義** 不相得謂相惡也凶害悔吝皆由此生

或問易之情近而不相得則凶或害之悔且  
吝是如朱子曰此疑是措占法而言想古  
人占法更多今不見得蓋遠而不相得則安  
能為害唯切近不相得則凶害便能相及如  
一箇凶人在五湖四海之外安能害自家若  
與之為隣近則有害矣又問此如今人占火  
珠林課底若是凶神動與世不相干則不  
為害唯是克世應世則能為害否曰恐是這  
樣意思○平庵項氏曰上文言剛柔雜居而  
吉凶可見則象之所以示人者明矣變動以  
利言吉凶以情遷之此再言吉凶以情遷之  
是故愛惡相攻以下皆言吉凶以情遷之事



而以六爻之情與辨明之吉凶悔吝利害之  
三辨分出于相攻相取相感之三情而總屬  
於相近之一情此四相者爻之情也命辭之  
法必各象其爻之情故觀其辭可以知其情  
利害者商略其事宜有利有不利也悔吝則  
有跡矣吉凶則其成也故總而名之曰吉凶  
相感者情之始交故以利害言之相取則有  
事矣故以悔吝言之相攻則其害極矣故以  
吉凶言之遠近情偽姑就淺深分之若錯而  
總之則相攻相取相感之人其居皆有遠近  
其行皆有情偽其情皆得有愛惡也故總以相  
近一條明之近而不相得則以惡相攻而凶  
生矣以偽相感而害生矣不以近相取而悔  
吝生矣是則一近之中備此三條也凡爻有  
比爻有應爻有一卦之主爻皆情之當相得  
者也今稱近者止據比爻言之反以三隅則  
遠而為應為主者亦必備此三條矣但居之  
近者其吉凶尤多故聖人槩以近者明之○  
進齋徐氏曰易道變動開物成務以利言也  
而卦爻之辭有吉有凶以其情之有所遷耳

愛惡相攻如訟九四不克訟復即命以與初  
相愛也謙六五利用侵伐上六利用行師以  
與九三相愛也同人九三伏戎于莽惡九五  
也九五五大師克相遇惡三四也遠近相取如  
姤九三負且乘近取二四也豫六三盱豫近  
解六三負且乘近取二四也豫六三盱豫近  
取九四也情偽相感如中孚九二鳴鶴在陰  
以情感乎五也屯六四求婚媾往以情感乎  
初也蒙六三見金夫不有躬以偽感乎二也  
漸九三夫征不復婦孕不育以偽感乎四也  
凡此皆以情遷者也○臨川吳氏曰爻彖以  
情言彖與爻皆言情也蓋變動以利言利亦自  
屬爻而不及彖亦有情爻亦有利互文也不相  
情而相生也彖亦有情爻亦有利互文也不相  
得謂惡相攻偽相感近不相取則愛和攻情  
相感近相取為相感近不相得則凶害悔吝  
其相得則吉利悔亡无悔无咎從可知也夫  
子之已言者三其未言者三總之凡六條然  
此據近之比爻言爾若遠之應爻又主爻亦  
當各備六條總之為十八條矣愚嘗以此十



八條之例考之爻辭皆合乃知作傳聖人以  
此該括易之辭情至為精密而諸家註釋唯  
項氏能究其底蘊焉

將叛者其辭慙中心疑者其辭枝吉人之辭寡  
躁人之辭多誣善之人其辭游失其守者其辭  
屈

**本義卦爻之辭亦猶是也**

朱子曰中心疑者

不敢說殺其辭技者如木之有枝開兩歧去  
○問此章切疑自吉凶可見矣而上只是總  
說易書所載如此自變動以利言而下則專  
就人占時上說如何曰然○節齋蔡氏曰漸  
三所繫將叛者之辭也睽上所繫中心疑者  
之辭也臨二所繫吉人之辭也睽三所繫躁  
人之辭也中孚三所繫誣善之人之辭也節  
上所繫失其守者之辭也○平庵項氏曰六

辭之中吉一而躁叛疑誣失居其五叛非叛  
逆但背實棄信皆是也言與實相背故慙吉  
者靜躁者動叛者無信疑者不自信誣者敗  
人失守者自敗皆相反對也守謂其所依據  
吳王失國故辭屈於晉夷之失對故辭屈於  
孟子皆失其所據也以類推之良吉也震躁  
也兌叛也巽疑也坎喜陷為誣善離喜覆為  
失守人情大約不出乎六者仁者默勇者譁  
能言者寡信善異者少決智人多險文士罕  
守剛柔之變其盡於此矣○雲峯胡氏曰未  
及六辭則謂非特彖爻之辭可以見其情人  
之辭亦可以占其情使人又由易以知其情  
○進齋徐氏曰叛背叛也背叛正理其中有  
無則幾於言辭自然慚怍也背叛正理其中  
開兩歧疑者可否未決則其辭不直截或兩  
歧也誣善者謂謗善為惡言語不實如物在  
水上浮游不定失其守者言見理不實無所  
操執其辭多屈而不伸也言心之聲由乎中  
而見乎外孟子曰易之辭潔邪道一章意亦  
臨川吳氏曰易之辭皆由情而生人之辭亦



由情而生故此又以人譬之本義云卦爻之  
辭亦由是也此篇首章云繫辭焉而命之又  
云聖人之情見乎辭蓋唯聖人能因易之情  
而繫易之辭是為一篇始終之脉絡云○息  
齋余氏曰上繫以默而成之不言而信存乎  
德行為結下繫以諸辭之不同者為結義相  
發也吉人辭寡  
其默成之次歟

## 右第十二章

周易傳義大全卷之二十三

三十一

周易傳義大全卷之二十三



周易傳義大全卷之二十四

說卦傳

臨川吳氏曰說卦者備載卦位卦德卦象之說蓋自昔有其說意者如八索之書所載有若此者而夫子筆削之以為傳爾首章次章則夫子總說聖人作易大意以為說卦傳之發端也○雙湖胡氏曰說卦首論幽贊於神明而生蓍立卦次及伏羲文王卦位不同次論八卦之象甚備其象多是夫子所自取不盡同於先聖漢儒以來千五百餘年未能勘破此義以為夫子只是槩括前聖所取之象求之於經又不同是以言象者多牽合傳會而不得其說愚嘗謂數聖人取象各有不同故說卦言象求之於經不盡合蓋夫子自取之象為多不必盡同於先聖若分文王周公之易各自求之則坦然明白矣

昔者聖人之作易也幽贊於神明而生蓍音尸

程子曰幽贊於神明而生蓍用蓍以求卦非謂有蓍而後畫卦

**本義**幽贊神明猶言贊化育龜筮傳曰天下

和平王道得而蓍莖長丈其叢生滿百莖朱子

曰能贊化育和氣充塞所以能出這物○生蓍便是大衍之數五十如何恰限生出百莖

物事教人做筮用到那參天兩地方是取數

慶○問生蓍按本義引龜筮傳蓍生滿百莖

為證某謂生字似只當與下面立卦立字生

爻生字同例看所謂生蓍者猶言立蓍而用

之耳未知是否曰卦爻是人所畫蓍是天地所生不可作一例說兼以立蓍而用之為生

蓍亦不成文理○陸氏德明曰說文云蓍蒿屬生千歲三百莖易以為數天子九尺諸侯

七尺大夫五尺士三尺毛詩草木疏云似蕭青色科生○建安丘氏曰蓍神草所以用



筮而求卦者贊神明猶言贊化育言聖人作  
易幽則贊於神明而生著以為筮卦之用著  
草生則易之數有所托而易之用行矣○揚  
氏曰天地生著之靈也固可以揲而成卦衍  
而為數不有聖人幽贊於神明則混同於區  
宇之間與凡草木俱腐爾神明之道何自而  
乎通

參天兩地而倚數

參七  
南反

**本義**

天圓地方圓者一而圍三三各一奇故

參天而為三方者一而圍四四合二偶故兩  
地而為二數皆倚此而起故揲著三變之末  
其餘三奇則三三而九三偶則三二而六兩  
二一三則為七兩三一二則為八

朱子曰參  
天兩地而

倚數此在揲著上說參者元是箇三數底物  
事自家從而參之兩者元是箇兩數底物事  
自家從何數倚數云者似把幾件物事挨放  
見得成何數倚數更把箇三數倚在這邊成  
這裏如已有三數倚在此成九兩亦如之○問  
六又把箇三數倚在此成九兩亦如之○問  
參天兩地舊說以為五生數中天三地兩不  
知其說如何曰此只是三天二地不見參兩  
之意參天者參之以三兩地者兩之以二也  
以方圓而言則七八九六之數都自此而起  
問以方圓而言參兩如天之圓徑一則以圍  
三兩參之地之方徑一則以圍四而兩之否  
曰然○參天兩地而倚數一箇天參之為三  
一箇地兩之為二二三為九三二為六兩其  
二一其三為七兩其三為一其二為八二老為  
陰陽二少為剛柔參不是三之數是無往參  
焉之參○倚數倚是靠在那裏且如先得箇  
三又得箇三只成六更得箇三方成九若得  
箇二却成八恁地倚得數出來有人說參作  
三謂一三五兩謂二四一三五固是天數二



四固是地數然而這却是積數不是倚數○  
 問參天兩地而倚數曰天圓得數之三地方  
 得數之四一畫中有三畫參之則為九此天  
 數也陽道常饒陰道常之數不能為三  
 止於兩而巳三兩之為六故六為坤○一  
 箇天參之則三一箇地兩之則二數便從此  
 起此與大衍之數五十各自說一箇道理不  
 須合來看然要合也合得一箇三一箇二成  
 五衍之則成十便是五十○○瓜山潘氏曰著  
 數卦爻易之粗也道德性命易之妙也參天  
 兩地謂五也數數者必以五雖窮乎千百千  
 萬必以五數之所以倚數也○建安丘氏曰  
 天陽也陽象奇奇一畫中實得三分參天之  
 數地陰也陰象偶偶一畫中虛比陽闕一分  
 而得二分兩地之數倚依也言卦畫之數依  
 此而起也故三奇為乾則三其參天之數而  
 為九是謂老陽三偶為坤則三其兩地之數  
 而為六是謂老陰二奇一偶為巽離兌則二  
 參一兩而為八是謂少陰二偶一奇為震坎  
 艮則二兩一參兩為七是謂少陽因七八九

六之數以定陰陽老少之  
畫此立卦生爻之本也

# 觀變於陰陽而立卦發揮於剛柔而生爻

或問觀變於陰陽而立卦是乾著數上觀否  
朱子曰觀變於陰陽且統說道有幾畫陰幾畫  
虞○觀變於陰陽且統說道有幾畫陰幾畫  
陽成箇甚卦發揮剛柔却是乾七八九六上  
說初問做這卦時未曉得是變與不變及至  
發揮出剛柔了方知這是有爻先言卦而後  
陽少陽○問既有卦則有爻矣先言卦而後  
言爻何也曰自作易言之則有爻而後有卦  
此却似自後人觀聖人作易而方其立卦  
時只見是卦及細別之則有六爻又問陰陽  
剛柔一也而別言之何也曰觀變於陰陽近  
於造化而言發揮剛柔近於人事而言且如  
泰卦以卦言之只見得小往大來陰陽消長  
之意爻裏面便有包荒之類○誠齋楊氏曰  
數既形矣卦斯立焉或六或八而為陰變至  
七而為陽因其變之或六或八而為陰變至



十有八而卦成焉聖人無與也特觀其變而立之爾故曰觀變於陰陽而立卦既立矣交斯生焉聖人因其數之陽而發明其為父之剛因其數之陰而發明其為柔聖人無與也特發揮之爾故曰發揮於剛柔而生爻○節齋蔡氏曰變即十有八變之剛柔而生陽七八九六也觀七八九六之變則卦可得而立矣陰陽之變即所以為爻復言發揮剛柔而生爻者蓋未入用則謂之剛柔也陰陽已入用則謂之剛柔也

# 和順於道德而理於義窮理盡性以至於命

程子曰和順於道德而理於義者體用也○和順於道德而理於義即是天道也易言理於義一也求是即為理義即是天道也易言言求是易曉求是之心俄頃不可忘理於義此理云者猶人言語之間常所謂理者非同窮理之理○所務於窮理者非道須盡窮了天下萬物之理又不知道是窮得一理便到只是要積累多後自然見去○窮理盡性矣曰

以至於命則全無着力處如成於樂樂則生  
矣之意同○窮理盡性以至於命三事一時  
並了元无次序不可將窮理作知之事若實  
窮得理即性命亦不可了○如言窮理以至於  
命以序言之不得不然其實只是窮理便能  
盡性至命也○窮理盡性至命一事也才窮  
理便盡性盡性便至命如木可以為柱理也  
其曲直者性也其所以曲直者命也為柱理命  
一而已○理也性也命也三者未嘗有異窮  
理則盡性盡性則知天命矣天命猶天道也  
以其用言之則謂之命令者造化之謂也○  
理則須窮性則須盡命則不可言窮與盡只  
是至於命也○張子曰程子說只窮理便是  
至於命亦是失於大快此義儘有次序須是  
窮理便能盡性得已之性則推類又盡人之性  
既盡得人之性須盡併萬物之性一齊盡得  
如此然後至於天道也其間然有事豈有當  
下便理會了學者須是窮理為先如此則方  
有學今言知命與至於窮理盡性以至於命  
知便謂之至也○或問窮理盡性以至於命



程張之說孰是朱子曰各是一說程子皆以見言不如張子有作用窮理是知盡性是行覺程子是說得快了如為子知所以為孝為臣知所以為忠此窮理也為子知所以為孝為忠此盡性也能窮其理而充其性之所有方謂之盡以至於命是拖脚說得於天者蓋性是

是我之所至者命是天之所為父父子者定知此舜盡事親之道至天下之為父子者定知此者窮理者也能此者盡性者也

**本義**和順從容无所乖逆統言之也理謂隨

事得其條理析言之也窮天下之理盡人物

之性而合於天道此聖人作易之極功也或

和順於道德而理於義是就聖人上說是就易上說朱子曰是說易又問和順是聖人和順否曰是易之和順道德而理於義如吉凶消長之道順而无逆是和順道德也理於義





命也諸先生把來就人上說能窮理了方至  
於命聖人作易時固是具得許多道理人能  
體之而盡則便似那易他說那吉凶悔吝慶  
莫非和順道德理於義窮理盡性之事這一  
句本是說易之書如此後人說去學問上却  
是借他底然這上也有這意思皆是自淺至  
深○雲峯胡氏曰著本自神明聖人幽贊之  
而已天圓地方之象自具一二之數聖人不  
過參之兩之而已其為數也自有陰陽之變  
其為變也自成剛柔之爻聖人不過觀其變  
而裁揮之爾於著卦之德則和順之而一  
所逆於六爻之義則條理之而各有其序窮  
天地之理盡人物之性聖人作易之功至是  
與天命為一矣天命自然而然聖人之功亦  
非心思智慮之所為也○進齋徐氏曰如乾  
為天道而彖之元亨利貞則其德徐氏曰潛見  
躍飛則其義以所謂卦而統言之所謂和順也  
就六爻而言之以所謂理也善觀易者推爻義  
以窮天下之理明卦德以盡一己之性窮理  
盡性則進退存亡得喪之天道可以知而天

命在我矣。○勉齋黃氏曰：性命一也。天所賦為命，物所受為性。性命係於氣，則天之所賦乎德，則天之所剛柔通塞受制於不齊性命純原於固有之德，窮理盡性，則不但德勝其氣而已。且將性命於天矣。天德理德以所得者而言，理以本然者而言，故性曰天德，命曰天理，亦一而已。非二物也。如此則氣之偏者變而正，柔者變而強，昏者變而明矣。其不可變者，死生壽夭有定數也。○南軒張氏曰：義在我也。命在天也。天下之人皆知義，命則聖人之易，不作矣。惟夫不知義，不知命，此聖人不得已而生著倚數立卦生爻，凡以為天下不知義命者設也。

### 右第一章

漢上朱氏曰：此章自昔者聖人

而立卦說爻有變動也。卦也。數也。觀變於陰陽而生爻說爻有變動也。卦也。數也。觀變於陰陽所係爻彖之辭也。○雙湖胡氏曰：此章大抵論伏羲作易後欲教天下後世用



易故示人以因著求卦之法无非欲使  
斯人安於義命之天而巳聖人雖專指  
伏義然文王周公係辭初不  
出義命之教亦在其中矣

昔者聖人之作易也將以順性命之理是以立  
天之道曰陰與陽立地之道曰柔與剛立人之  
道曰仁與義兼三才而兩之故易六畫而成卦  
分陰分陽迭用柔剛故易六位而成章

程子曰立天之道曰陰與陽立地之道曰柔  
與剛立人之道曰仁與義兼三才而兩之不  
兩則无用又曰陰陽剛柔仁義只是一箇道  
理○仲尼言仁未嘗兼義於易曰立人之道  
曰仁與義而孟子言仁必以義配蓋仁者體  
也義者用也知義之為用而不外焉者可與  
語道矣世之所論於義者多外之不然則混  
而无別非知仁義之說也○立人之道曰仁

與義擇今日合人道廢則是今尚不廢  
者猶只是有那些秉彛卒殄滅不得

**本義** 兼三才而兩之總言六畫又細分之則

**陰陽之位間雜而成文章也** 朱子曰聖人作

性命之理便是性中有這箇物事下文所說陰陽剛

柔仁義便是性中有這箇物事下文所說陰陽剛

性命之理便是性中有這箇物事下文所說陰陽剛

兼三才而兩之此恐是言聖人作易之由如

觀鳥獸之文與地之宜始作八卦相似蓋聖

人見得三才之理只是陰陽剛柔仁義故為

兩儀四象八卦也祇是這道理不知如何曰聖人見得天下

也祇是這道理不知如何曰聖人見得天下

只是這道理不知如何曰聖人見得天下

問陰陽剛柔仁義否曰便是○立天之道日

是陰陽剛柔仁義否曰便是○立天之道日

陰與陽是以氣言立地之道曰柔與剛是以

質言立人之道曰仁與義是以理言○陰陽

成象天道之所以立也剛柔成質地道之所



以立也仁義成德人道之所立也道一而  
已隨事著見故有三才之別而於其中又各  
有體用之分焉其實則一太極也○陰陽是  
陽中之陰陽剛柔是陰中之陰陽剛柔以質  
言是有箇物了見得是剛底柔底陰陽以氣  
言○仁義看來當作義與仁當以仁對陽仁  
若不收斂仁却主發舒這多造化義雖剛却  
主於收斂仁却主發舒這多造化義雖剛却  
中之陽互藏其根之意且如今人用賞罰到  
得與人自是無疑便做得去若人用賞罰到  
遲疑不肯果決做這見得陽舒陰斂仁屬陽  
義屬陰○問仁如何比剛曰如春生則氣  
舒自是剛秋殺則氣收斂而漸衰自是柔○  
問揚子雲謂君子於仁也柔於義也剛曰仁  
體剛而用柔義體柔而用剛又曰於仁也柔  
於義也剛又自是一義便是這箇物事不可  
以一定名之看他用處如何○問兼三才而  
兩之如何分曰以一卦言之上兩畫是天才  
兩畫是人下兩畫是地兩卦各自看則上與  
三是天五與二為人四與初為地問以八卦

言之則九三者天之陽六三者天之陰九二  
者人之仁六二者人之義初九者地之剛初  
六者地之柔三便是天之日地之陽五便是  
二便是人之義四便是地之柔初便是地之  
剛○兼三才而兩之初剛而二柔三仁而四  
義五陽而上陰兩之如言加一倍本是一箇  
各加一箇為兩○問分陰分陽迭用柔剛陰  
陽剛柔只是一理無而舉之否曰然○勉齋  
黃氏曰天之道不外乎剛柔山川流峙之類  
是地之道不外乎仁義事親從兄之類是  
也人之道不外乎仁義事親從兄之類是  
陰陽以氣言剛柔以質言仁義以理言雖若  
有所不同然仁者陽剛之理也義者陰柔之  
理也其實則一而已○建安丘氏曰上言窮  
理盡性至命此言順性命之理則易中所言  
之理皆性命也然所謂性命之理即陰陽柔  
剛仁義是也以爻分之則上二爻為天之陰  
陽下二爻為地之柔剛中二爻為人之仁義  
兼三才而兩之謂重卦也方卦之小成三畫



已具三才之道至重而六則天地人之道各  
兩所謂六畫成卦也分陰分陽以位言凡卦  
初三五位為陽二四上位為陰自初至上陰  
陽各半故曰分迭用剛柔以爻言柔謂六剛  
謂九也位之陽者剛居之柔亦居之位之陰  
者柔居之剛亦居之或柔或剛更相為用故  
曰迭分之以示其經迭用以為之緯經緯錯  
綜粲然有文所謂六位成章也○雲峯胡氏  
曰上章和順於道德統言之也理於義析言  
之也此章六畫而成成卦統言之也分陰分  
迭用剛柔六位而成成章又析言之也○雙湖  
胡氏曰易為斯人作也性命之理天所賦於  
人人所受於天之理也聖人將以順人心性  
命之理是以兼三而兩六畫成卦以立天地  
人之道三才之道雖有陰陽剛柔仁義之殊  
大抵以立人道仁義為主蓋人負陰陽之氣  
以有生肖剛柔之質以有形具仁義之理以  
成性莫不有三才之道焉仁義之道立即所  
以使之陰陽合德剛柔有體以順性命之理  
也故下文惟曰分陰分陽迭用柔剛以成六

位之章而不復言仁義者豈不以使斯人皆得以揲蓍求卦分陰陽用柔剛以斷吉凶而成亶亶則仁義之道固在其中矣

右第二章

天地定位山澤通氣雷風相薄水火不相射八

卦相錯射音石

**本義**

邵子曰此伏羲八卦之位乾南坤北離

東坎西兌居東南震居東北巽居西南艮居

西北於是八卦相交而成六十四卦所謂先

天之學也

朱子曰先天圖更不可易以象言之天居上地居下艮為山故居西

北兌為澤故居東南離為日故居于東坎為月故居于西震為雷居東北巽為風居西南



○問山澤通氣只為兩卦相對所以氣通曰  
澤氣之升於山為雲為雨是山通澤之氣山  
之泉脉流於澤為泉為水是一澤通山之氣是  
兩箇之氣相通○山澤一高一下而水脉相  
為灌輸也是水火下然上沸而不相滅息也射  
音食犯也是不相害音數是不相厭二義皆  
通○問射二音孰是曰音石是水與風雷  
山澤不相射類水火本是相尅底物事今却相  
應而不相害問若以不相類不相厭射而何曰不相與上  
文通氣不相薄之文相類不相知如射而言則與射  
乃下文相害之物便如意不相悖乃不相害也水  
火本相害之物便如意不相濟之水亦是中間  
有物隔之却相為用若無物隔之則相害矣  
此乃以其不相害而明其相應也○問八卦  
相錯曰乾坤自是一箇對不動底物事動是陰陽  
如一陰對一陽對一陰六十四卦圓轉  
皆如此相錯○平庵項氏曰八卦既成按而  
數之天地以錯上下對水火以東西橫對雷  
風山澤以四角斜對八卦相錯然有倫也  
○臨川吳氏曰天地定位者乾南坤北上天

數往者順知來者逆是故易逆數也

數色主反

下地定其尊卑之位也山澤通氣者艮西北兌東南山根着於地澤連接於天通乎天地之氣也雷風相薄者震東北巽西南雷從地而起風自天而行互相激也水火不相射者坎西離東一左一右不相侵克也○雲峯胡氏曰八卦錯而為六十四卦其位亦然觀之圓圖可見矣○柴氏中行曰不言八卦而言八物非物无以見相與變化之理也

**本義**

起震而歷離兌以至於乾數已生之卦

也自巽而歷坎艮以至於坤推未生之卦也

易之生卦則以乾兌離震巽坎艮坤為次故

皆逆數也

朱子曰數往者順知來者逆這一段是從卦氣上看來也是從卦畫

生處看來係地方交錯成六十四卦○潛室陳氏曰易本逆數也有一便有二有二便有



四有便十六以至六十四皆由此可  
 以知彼由今可以知來故自乾一以至於坤  
 八皆循序而生一如橫圖之次今欲以圓圖  
 象渾天之形若一依此序則乾坤相並寒暑  
 不分故伏羲取天地定位山澤通氣雷風相  
 薄水火不相射之義以乾坤定上下之位坎  
 離列左右之門艮兌震巽皆相對而立蓋乾  
 兌離震皆屬陽巽坎艮坤皆屬陰悉以陰陽  
 相配圖必從中起者蓋萬事從心出之義卦  
 必從復起者蓋天開於子之義自一陽始生  
 之復起冬至節歷離兌之間為春分以至於  
 乾為純陽是進而得其已生之卦如今日覆  
 數昨日故曰數往者順自一陰始生之姤起  
 夏至節歷坎艮之間為秋分以至於坤為純  
 陰是進而能推其未生之卦如今日逆計來  
 日故曰知來者逆然本其易之所成只是自  
 乾一而兌二離三而震四巽五而坎六艮七  
 而坤八如橫圖之序與圓圖之右方而已故  
 曰易逆數也○雲峯胡氏曰諸儒訓釋此皆  
 謂已往而易見為順未來而前知為逆易主

於前民用故曰易逆數也惟本義依邵子以  
數往者順一段為指圓圖而言卦氣之所以  
行易逆數一段為指橫圖而言卦畫之所以  
生非本義發邵子之蘊則學者孰知此所謂  
先天之學哉此本義  
之功所以為大也

右第三章

雷以動之風以散之雨以潤之日以烜之艮以  
止之兌以說之乾以君之坤以藏之烜况晚反說音悅

**本義**

此卦位相對與上章同

朱子曰雷以動之以下四句取

象義多故以象言艮以止之以下四句取卦  
義多故以卦言乾以君之坤以藏之兩句焦  
地說得好○節齋蔡氏曰動則物萌散則物  
具二者言言生物之功也潤則物滋烜則物  
舒二者言長物之功也止則物成說則物遂二  
者言收物之功也君則物有所歸藏則物有



所息二者言藏物之功也此章卦位相對與  
上章同而上章則言卦象自相為用此章則  
言八卦造物流行有生卦象自相為用此章則  
安丘氏曰雷動風散乾坤初爻相易而為震  
巽也兩潤日烜乾坤中爻相易而為坎離也  
止之說之乾坤終爻相易而為艮兌也此六  
子生物之序也然六子致用主於乾而動歸  
於坤而藏此又父母之功也故以乾坤終之  
○雲峯胡氏曰自動至烜物之行也故以象言  
藏物之入機出无於有氣之行也故以象言  
入有於无質之  
具也故以卦言

### 右第四章

雲峯胡氏曰此章卦位相對與

章則終之以乾坤也○潘氏夢旂曰上  
章先言乎天地之用六子也此章先言  
相為用言天地之用六子也此章先言  
乎六子之職後言乎乾坤之道言六子  
非乾坤无以  
主之藏之也

周易傳義卷之八

十二

帝出乎震齊乎巽相見乎離致役乎坤說言乎

兌戰乎乾勞乎坎成言乎艮說音悅

**本義** 帝者天之主宰邵子曰此卦位乃文王

所定所謂後天之學也朱子曰帝出乎震與

段說文王卦○帝出乎震萬物出乎震只這兩

主宰從這裏出齊乎巽曉不得離中虛明可

以為南方之卦坤安在西南不成西北方无

地西方肅殺之地如何陰陽只來這裏相薄勞乎

坎勞字去聲似乎慰勞之意言萬物皆歸藏

乎此去安存慰勞他○問戰乎乾何也曰此

以謂之陰陽相薄是如乾陽也乃居西北故曰

陰陽相薄恐是如乾陽也見端的未得○勞乎

坎是說萬物休息底意成言乎艮在東北是

說萬物終始處又曰艮者萬物之所以成終



而成始也猶春冬之交故其位在東北○節  
齋蔡氏曰帝者以主宰乎物為言也出者發  
露之謂震居東方於時為春齊者畢達之謂  
巽居東南於時為春夏之交也相見物形明  
盛皆相見也離居南方於時為夏致猶委也  
委役於萬物无不養也坤居西南於時為秋  
夏之交也說言者物形至此充足而說也充  
居西方於時為秋戰者陽氣始萌陰疑而戰  
也乾居西北於時為秋冬之交也勞者萬物  
歸藏於內而休息也坎居北方於時為冬成  
言者陽氣至此物之所成終而成始也艮居  
東北於時為冬春之交也○雙湖胡氏曰自  
巽至兌皆陰卦忽與乾遇陰疑於陽必戰故  
曰戰乎乾○龜山楊氏曰成言乎艮艮者萬  
物之所成終而成始止於此矣復出乎震不  
終止也故艮曰時止則止時行則行○榕檜  
林氏曰出而齊齊而相見而致養養而後  
說說而後戰戰而後勞勞而後成成而後出  
自然之序也○雲峯胡氏曰自出震以至成  
言乎艮萬物生成之序也然孰生孰成之必

有為之主宰者故謂之帝邵子曰此卦位乃  
文王所定所謂後天之學也蓋以彖釋坤西  
南得朋蹇不利艮  
之東北而知之也

萬物出乎震震東方也齊乎巽巽東南也齊也  
者言萬物之潔齊也離也者明也萬物皆相見  
南方之卦也聖人南面而聽天下嚮明而治蓋  
取諸此也坤也者地也萬物皆致養焉故曰致  
役乎坤兌正秋也萬物之所說也故曰說言乎  
兌戰乎乾乾西北之卦也言陰陽相薄也坎者  
水也正北方之卦也勞卦也萬物之所歸也故  
曰勞乎坎艮東北之卦也萬物之所成終而所



成始也故曰成言乎艮

程子曰南北之位所以定者在坎離也坎離又不是人安排得來莫非自然也○艮止也生也止則便生不止則不生此艮終始萬物又曰陰陽消長之際无截然斷絕之理故相挽掩過終始萬物萬物盛乎艮此儘徠妙須研窮這箇理

**本義** 上言帝此言萬物之隨帝以出入也

中行曰此言八卦見於一歲之造化○節齋蔡氏曰帝之出入不可見而為物者可見故又以物言焉氣无物不行物无氣不生然氣之生也有漸不能遽遍乎物自帝出乎震至成言乎艮一氣流行之漸萬物生成之功也震巽離乾坎艮皆以方言兌以時言坤以地言所以然者夫子欲備三者之義互言之耳是雖有三又足以見其未嘗相離之義○雲峯胡氏曰離明以德言八卦之象可推兌秋以時言八坎水以象言八卦之象可推兌秋以時言八

卦之時可用推以互見也坤於方獨不言西南  
坤土之用不止於西南也蓋春屬木夏屬火  
夏而秋火克金者也火金之交有坤土焉則  
火生土土生金金克者也順以相生秋屬金冬  
屬水水克土而春水生木者也逆以相克土金  
馬木克土土春水水生木者又逆以相克土金  
以相生所以為秋之克木土逆以相克所以  
為春之生土生土為秋之克木土逆以相克  
帝是也○誠齋楊氏曰由帝出乎震至於成  
言乎艮者帝之所乘也由萬物出乎震而  
於成言乎艮者又萬物之所主也帝乘之萬  
物主之者悉皆由乎八卦之所主也帝乘之  
為治故南面而治取諸離離者陽明之卦萬  
物之交相見之時其象曰大離人繼明照四  
以之而垂拱豈不宜哉然聖人不獨取諸離  
以之而垂拱豈不宜哉然聖人不獨取諸離  
治無非取之也易舉其則其與震巽坎兌諸  
矣抑嘗觀之帝與萬物所乘者皆八卦類推  
帝獨言致役乎坤而萬物所乘者皆八卦類  
知坤於帝言致役者蓋坤臣也帝君也君之



於臣役之而已於萬物言致養者蓋坤母也  
萬物子也母之於子養之而已至於他卦不  
言戰而乾言戰則乾西北之卦九十月之交  
陰盛陽微之時故不能無戰何則陰疑於陽  
必戰不然則坤之上六十月之卦也何以言  
龍戰于野由此而觀則言陰陽相薄之語不  
為虛設矣

## 右第五章

**本義**此章所推卦位之說多未詳者朱

曰文王八卦不可曉處多如離南坎北  
離坎却不應在南北且做水火居南北  
兌也不屬金如今只是見他底慣了一  
似合當恁地相似○文王八卦坎艮震  
在東北離坤兌在西南所以分陰方陽  
方○文王八卦有些似京房卦氣不取  
卦畫只取卦名京房卦氣以復中孚屯  
為次復陽氣之始也中孚陽實在內而

未發也屯始義而艱難也只取名義文  
王八卦配四方四時換離南坎北震東兌  
西若卦畫則不可移得乾坤之進齋徐氏曰  
坎離天南坎水居北也震動也物生之  
初也故居東兌說也物成之後也故居  
西此四者各居正位也震屬木巽亦屬  
木震陽木也巽陰木也故巽居東南巳  
之金位也兌屬金乾亦屬金兌陰金也乾  
陽金也故乾居西北亥之方也坤艮皆  
土也坤陰土艮陽土坤居西南艮居東  
北者所以均旺乎四時也此四者分居  
四隅也後天八卦以震巽離兌乾坎  
艮為次者震巽屬木生火故離兌乾  
離火生土故坤艮屬土生金故坎  
次之生土故坤艮屬土生金故坎  
以生木故艮坎次之水土又生木  
火入卦之用五行之水土又生木  
以造之故用五行之水土又生木  
邵子以此章屬之文王八卦意其本之



文王卦辭坤卦西南得朋東北喪朋正  
此章之方位也蹇解卦辭亦然竊嘗謂  
帝出乎震至成言乎艮八句疑是八卦  
圖圖之題目萬物出乎震以下皆是解  
說或如朱子論天一  
地二章未可知也

神也者妙萬物而為言者也動萬物者莫疾乎  
雷撓萬物者莫疾乎風燥萬物者莫熯乎火說  
萬物者莫說乎澤潤萬物者莫潤乎水終萬物  
始萬物者莫盛乎艮故水火相逮雷風不相悖  
山澤通氣然後能變化既成萬物也

撓乃飽反  
熯呼但反

說音悅悖  
必內反

程子曰神是極妙之語○天者理也神者  
妙萬物而為言者也帝者以主宰事而名

說卦傳

**本義**此去乾坤而專言六子以見神之所為

然其位序亦用上章之說未詳其義朱子曰水火相

建一段又似與上面水火不相射同又似是

伏義卦○問前兩段說伏義卦位後兩段自

帝出乎震以下說文王卦位自神也者妙萬

物而為言下有兩段前一為乃文王卦位後

段乃伏義底恐夫子之意以為伏義文王所

定方位不同如此然生育萬物既如文王所

次則其方位非如伏義所定亦不能變化既

成萬物也無伏義底則做文王底歸却主在  
文義如此說較分明曰如是則其歸却除了乾  
伏義上恁地說也好又曰此兩段却除了乾坤  
坤者一句神者妙萬物而為言引起則乾坤  
在其中矣且如雷風水火山澤自不可喚做  
神神者乃其所以動所以撓者是也○文王  
八卦則兌震以長男而合少女艮巽以長女  
而合少男皆非其偶故自動萬物者莫疾乎  
雷至終萬物始萬物者莫盛乎艮皆別言六



子之用故以四時之序次言之而用文王八卦之序下則推其所以成用在於陰陽各得其偶故用伏羲八卦之序若上用伏羲卦次則四時失其序下用文王八卦則兌震艮巽皆非其偶矣○漢上朱氏曰上卦說天地之位六子致用此說六子合而為乾坤乾坤合而生神妙萬物而為言者物物自妙也鄭康成曰共成萬物不可得而分故合謂之神橫渠曰一則神兩則化妙萬物者一則神也○南軒張氏曰八卦各有所在也而神則无在而无不在八卦各有所為也而神則无為而不為強名之曰神者即其妙萬物而為言也○龜山楊氏曰離帝而為神則其運无方其居无迹非妙萬物者能如是乎前論震離坎兌艮巽之屬則兼乾坤而言之此不言乾坤而言六子者豈非乾坤其始任六子以成功及其終也六子成其功以歸於乾坤乾坤則有不與者乎○沙隨程氏曰始言六子之才各有所長終言六子之情各有所合○建安丘氏曰序六子之用不及乾坤者六子之用

周易卷之六 三十一

皆乾坤之為也五卦皆言象而艮不言者終  
始萬物義不係於山也○虞氏翻曰不言乾  
坤者乾主變坤主化言變化則乾坤備矣○  
進齋徐氏曰伏羲八卦言方位主造化對之  
體而言文王八卦方位主造化流行之用而  
言對待非流行則不能變化流行非對待則  
不能自○平庵項氏曰動撓燥說潤咸皆  
據後天分治之序而相建不相悖通氣變化  
復據先天相合之位者明五氣順布四季分  
王之時而無極之真二五之精所以妙合而  
凝者未始有戾於先天之事也苟無此章則  
文王為無體而伏羲為無用矣故讀易者於  
此不可不深玩也相建與不相射  
相薄與不相悖此皆互言之也

# 右第六章

分平庵項氏曰上章陳八卦辨其

化之神○雲峯胡氏曰以上第三章第  
四章言先天第五言後天此第六章  
則由後天而推先天者也去乾坤而專  
言六子以見神之所為言神則乾坤在



其中矣雷之所以終所以始動風之所以始皆神之所以為也然  
艮之所所以終所以始動風之所以始皆神之所以為也然  
後天之所以變者實由先天而來先  
天水火相建以次陰陽之交合後天雷  
動風撓以次五行之變化惟其交合  
之妙如此然後變化之妙亦如此

乾健也坤順也震動也巽入也坎陷也離麗也  
艮止也兌說也

**本義**

此言八卦之性情謂朱子曰八卦之性情

此又謂之情者言其義用處亦如此如乾之  
健本性如此用時亦如此○伏羲畫八卦只

此數畫該盡萬物之理陽在下為震震動也  
在上為艮艮止也陽在下自動在上自止○

節齋蔡氏曰乾純陽剛故健坤純陰柔故順  
震坎艮陽卦曰乾純陽剛故健坤純陰柔故順

動在二陰之中則剛為陰所溺故陷出二陰  
之上雖剛則亦无所往矣故止巽離兌陰卦

說卦傳

陰成乎二陽之下以順而伏故入在二陽之中以順而附故麗在二陽之上以順而見故說○雲峯胡氏曰夫子欲於下文言八卦之象故先言其性情如此象者其似性情者其真彖傳於巽不言八而直言巽坎不言陷而言險離罕言麗而直言明則又得其真矣

### 右第七章

臨川吳氏曰此章以八字斷八  
依八德之類而分主之自此以下皆以  
陰陽純卦及初中終為序又非上章先

天後天之序也

乾為馬坤為牛震為龍巽為雞坎為豕離為雉  
艮為狗兌為羊

### 本義

遠取諸物如此

或問易之象朱子曰便是理會不得如乾為馬

而乾之象却專說龍如此之類皆不通○易  
中占辭其取象亦有來歷不是假說譬喻但



今以說卦求之多所不通故不得已而闕之  
 或且從先儒之說耳○徐彥章說本義只說  
 得箇占其說不然說象牽合不得如坤為牛  
 遍求諸卦必不尋箇牛或以一體取或以一  
 爻取如坤牛不可見又曰離一畫是牛順之  
 龜又虎視更說不得又曰易象也須有此理  
 但焦見他零碎大原許多名物件數皆貫通  
 須是面方是○臨川吳氏曰健而行不息者  
 在裏面勝重○載者牛也動奮之身而靜  
 馬也順而勝重○載者牛也動奮之身而靜  
 息於地勢重陰之下與地雷同其寂者龍也  
 龍之潛於淵底者重陰之處也以入伏之身  
 而出聲於天氣重陽之內與地風同其感者  
 鷄也鷄之鳴於丑半者重陽之時也或曰鷄  
 之行首動於前足動於中身不動而隨其後  
 能動之二陽在前在中不動之一陰在後也  
 前後皆陰之汚濁而中心柔怯者豕也前後  
 皆陽之文明而中心柔怯者豕也前後  
 物而中內柔媚者狗也外柔能說草而中內  
 剛狠者羊也此以動類之八物擬八卦中也○

平庵項氏曰造化權輿云馬乾象故蹄圓牛  
 申象故蹄折○括蒼龔氏曰雞羽屬也而能  
 飛其性則為入為伏知時而善應故巽為雞  
 ○南軒張氏曰豕主行濕其性趨下故坎為  
 豕止於人而能止外人也○故離為雉艮為  
 其乾為龍而夫子以象為馬○雲峯胡氏曰  
 以乾為龍而夫子以象為馬○雲峯胡氏曰  
 而夫子以象為馬○雲峯胡氏曰  
 易者必以坤為牛或以象為馬○雲峯胡氏曰  
 或以互變體爻取至不可取則又取離之  
 牛其鑿甚矣要之天地間萬物无非易  
 也又豈特此八物哉觸類而長之可也

右第八章

有雙湖胡氏曰夫子於八卦取象  
 括文王周公彖爻之例者有

自括大象之例者又有於說卦別取者  
 如上帝章天地之例者又有於說卦別取者  
 之例此章乾馬兌羊巽雞離雉是括大象  
 周公爻例此章乾馬兌羊巽雞離雉是括  
 似兌稱羊中孚巽兌稱雞實夫巽互坎卦稱  
 豕至若坤牛震龍艮狗實夫巽互坎卦稱



又有所取而前聖未有其例者也下章皆然數聖人取象本各不同如必欲執彖爻之象盡求合於說卦則多不通矣

乾為首坤為腹震為足巽為股坎為耳離為目艮為手兌為口

**本義**

近取諸身如此

或問艮何以為手朱子曰

艮又問捉物乃手之用不見取象正意曰也只是大槩略恁地○建安丘氏曰首會諸陽尊而在上腹藏諸陰大而容物足在下而動股兩垂而下耳輪內陷陽在內而聰目睛附外陽在外而明手剛在前口開于手上又曰震陽動于下為足艮陽止于上為手手上而足下也巽陰兩開于下為股兌陰兩拆于上為口口上而股下也○平庵項氏曰足動股隨雷風相與也耳目通竅水火相逮也口與鼻通山澤通氣也○漢上朱氏曰人之經脈十

周易卷之二十一

十一

有二其六動於足其六動於手動於足者震之陽自下而升動於手者艮之陽自上而止震艮相反疾走者掉臂束手者緩行坎中為耳陽陷乎陰也輪偶者陰也竅奇者坎中之陽也精脫腎水竭則槁離為目陰麗乎陽也陽中有陰故肉白陰中有陽故精黑精竭者目盲離火无所麗也離為日寐者神栖於心其日昃乎寤者神見於目其日出乎故寐者形閉坤之闔也寤者形開乾之闔也一闔一闢目瞑耳聽唯善用者能達耳目於外唯善養者能反耳目於內也○雲峯胡氏曰八卦近取諸身如目於內也○雲峯胡氏曰八卦近取此八者為然哉○息齋余氏曰八卦之象以序對四者易而坎離不易也首以君之腹以藏之足履於下為動手持於上為止股下歧而伏口上竅而見耳外虛目內虛各以反對也其在物乾坤與二少皆取走二長二中一飛一走飛龍者走之飛雞者飛之走各以序對也



右第九章

雙湖胡氏曰夫子於此章取象坤為腹與明夷六四同巽為股

與咸九三互體同兌為口與咸上六輔頰舌同外餘皆自取

乾天也故稱乎父坤地也故稱乎母震一索而得男故謂之長男巽一索而得女故謂之長女坎再索而得男故謂之中男離再索而得女故謂之中女艮三索而得男故謂之少男兌三索而得女故謂之少女

索色白反長丁丈反少詩照反下章同

**本義** 索求也謂揲著以求爻也男女指卦中

一陰一陽之爻而言

朱子曰八卦次序是伏羲底此時未有文王次

序三索而為六子這自是文王底各自有箇道理○非震一索而得男乃是一索得陽爻

而後成震一說是乾變體上說謂就坤上求  
得一陽爻而成震卦一說乃是說揲著求卦  
求得一陽便是巽又曰看來不當專作揲著看揲  
二陽便是巽又曰看來不當專作揲著看揲  
著有不依這序時便說不通大槩只是乾求  
於坤而得震坎艮坤求於乾而得巽離兌一  
二三三者以其畫之次序言也○一索再索之  
說初間畫卦時也不焦地只是畫成八卦後  
便見有此象耳○節齋蔡氏曰乾坤交而生  
震巽坎離艮兌故以能生者為父母而生者  
為子一索再索三索者以初中終三畫而取  
此長中少之序也震坎艮皆陽故曰男巽離  
兌皆陰故曰女○平庵項氏曰乾坤六子初  
為氣末為形中為精雷風氣也山澤形也水  
火精也○漢上朱氏曰將說天地生萬物而  
先言人者天地之性人為貴萬物皆備於人  
也乾天也為陰之父坤地也為陽之母萬物  
分天地也男女分萬物也察乎此則天地與  
我並生萬物與我同體是故聖人親其親長  
其長而天下平伐一草木殺一禽獸非其時



# 右第十章

謂之不孝。○柴氏中行曰：先儒不以此章並於諸象，是惑於謂之之語，而未循本以求之也。又但知男女之為人，而未知物物有男女之象，天地之性，人為貴，故以人言之耳。不然，何以別象中有為父為長子為長女為中女為少女等語，與此章所稱無異。此蓋以男女分八卦言也。物皆有雌雄牝牡之異，則父母男女之象也。其生皆有先後次序之異，則長中少之象也。或曰：乾坤有生萬物，有男女之別，固也。其生也，皆生孰見其長中少之異？有長母之生，即天地之生乎？○雲峯胡氏曰：此章本義，乃朱子未改正之筆，要當以語錄說為正。若專言揲蓍求卦，則无復此卦序矣。要之卦畫已成之後，方見有父母男女之象，非卦之初畫時即有此象也。讀者詳之。

乾為天為圜為君為父為王為金為寒為冰為  
大赤為良馬為老馬為瘠馬為駁馬為木果

音

圓駁邦  
角反

程子曰說卦於乾雖言為天又言為金為王  
以至為駁馬為良馬為木果之類豈盡言天  
若此者所謂類萬物之情也故孔子推明之  
曰此卦於天文地理則為某物於鳥獸草木  
則為某物於身於物則為某物各以例舉不  
盡言也學者觸類而求之則思過半矣不然  
說卦所叙何所用之

**本義** 荀九家此下有為龍為直為衣為言

朱子

曰卦象指文王卦言所以乾言為寒為冰○  
荀爽有集九家易解十卷○節齋蔡氏曰積  
陽為天陽體動為圜尊而在上為君圓而在  
上為木果○沙隨程氏曰為圜天之體也為



君居上而覆下也為王德粹也為金堅剛也  
 為寒位西北也為冰寒之凝也為大赤盛陽  
 之色也為木果以實承實也若艮為果蓏則  
 下有柔者存焉○瓜山潘氏曰園无端也○  
 息齋余氏曰乾為寒者陰不生於陰而生於  
 陽也冰者陰之變而剛者也○縉雲馮氏曰  
 乾居西北卦氣為立冬之節水始冰之時故  
 為寒為冰○平庵項氏曰良馬德莫加焉駮  
 馬銛牙食虎力莫加焉老馬智最高瘠馬筋  
 骨至峻○鄒陽董氏曰按韻會駮獸如馬銛  
 牙食虎豹宋劉敞奉使契丹時順州山中有  
 異獸如馬而食虎豹虜人不識以問公曰此  
 駮也為言形狀音聲皆是虜嘆服之又駮馬  
 色不純或曰純極而駮生焉○臨川吳氏曰  
 坎中陽為赤乾純陽赤加大字以別於坎也  
 馬加良老瘠駮四字以見純陽无陰異於震  
 坎陰陽相雜之馬也良謂純陽健之最善者  
 也老謂老陽健之最久者也瘠謂多骨少肉  
 健之最堅強者也○楊氏曰果實而不剥於陰為木  
 威猛者也○

果如剥之碩果不食是也。○雙湖胡氏曰：乾无所不統為君，變生六子為父，爻剛位間柔相濟為王，爻純剛為金，金故為寒，金生水，水極寒為冰，又乾為天而貫四時，故在秋冬為寒，為冰在夏為大赤，純陽而健為馬，在春為良，夏為老，秋為瘠，冬為駁，乾取象无所不包，不可與諸卦例論，故發其義，又曰：夫子取乾象稱馬，本之大畜爻外餘皆所自取，如乾、坤、地之類亦夫子彖傳大象所取也。

坤為地，為母，為布，為釜，為吝嗇，為均，為子母，牛為大輿，為文，為衆，為柄，其於地也為黑。釜房甫反，嗇音

色

**本義** 荀九家有為牝為迷為方為囊為裳為

黃為帛為漿

進齋徐氏曰：坤積陰於下，故為地物，資以生，故為母，動闢而廣。



故為布為均虛而容物故為釜靜翕而不施  
故為吝嗇性順故為文偶畫多故為眾有形可  
大與坤畫偶故為文偶畫多故為眾有融堂錢氏曰  
執故為柄純陰故於色為黑○融堂錢氏曰  
吝嗇至陰之性女子小人未有不吝嗇者為  
文正蒙曰坤為文衆色也又曰物之生於地  
至雜而文柄者生物之權也○南軒張氏曰均  
者其勢均平而无偏陂者也○臨川吳氏曰  
為布旁有邊幅而中平廣也為大與三畫虛  
所容載者多也坎惟二畫虛亦為大與三畫虛  
為大也為柄謂在下而承物於上凡執持之  
物其本著地者柄也其於地也為黑地之土  
色有五著坤之所象則於地為黑土也黑者  
極陰之色也○息齋余氏曰玉金自然之寶  
布釜皆出於金然受變於模治而成此所以  
為效法之坤歟布謂泉也又曰吝嗇者翕之  
守也均者闢之數也柄也者勤於造事而不  
名其功者歟○雙湖胡氏曰夫子取坤象稱  
與本之剥上九爻稱眾本  
之晉六三爻餘皆所自取

震為雷為龍為玄黃為虜為大塗為長子為決  
 躁為蒼莨竹為雀蓐其於馬也為善鳴為鼻足  
 為作足為的顙其於稼也為反生其究為健為  
 蕃鮮

虜音孚莨音郎雀音煩  
 九鼻主樹反蕃音煩

**本義** 荀九家有為王為鵠為鼓

張子曰陰氣凝聚陽在內

者不得出則奮擊而為雷○節齋蔡氏曰陽  
 動于下故為雷陰陽始交故為玄黃陽氣始  
 施故為虜萬物畢出故為大塗動故為決躁  
 氣始亨故於馬為善鳴陽在下故又為鼻足  
 為作足陰在上故為顙顙的白也而顙在上  
 也詩所謂白顙傳所謂顙是也剛反動於  
 下故於稼為反生陽長必終於乾故其究為  
 健○臨川吳氏曰為玄黃乾坤始交而生震  
 故無有天地之色得乾初畫為玄得坤中畫  
 上畫為黃孔疏謂玄黃雜而成蒼色也為虜



字又作蕞與華通花蒂下連而上分為花出也為大塗一奇動於內而二偶開通前无壅蹇也為決蹇決者陽生於下而上進以決陰蹇者陽之動也為蒼莨竹蒼深青色莨謂色之義蓋竹之筠也為萑葦萑葦葦竹萑葦皆下本實而上幹虛其於馬也為善鳴為馵足為作足為的顙善鳴者陽在內為聲上畫偶口開出聲也馵足是駝白陽之色作足是超起陽之健皆言下畫之陽也的顙額有旋毛中虛如射者之的言上畫之虛也其於稼也為反生稼諸穀之類反生萌芽自下而生反句向上陽在下也其究為健中上二畫變則為乾也為蕃鮮蕃盛而鮮義謂春生之草也草下一根而葉分開於上也○雙湖胡氏曰夫子取震卦象稱雷本象辭震驚百里稱長子本師六五爻互震體稱馬本屯卦諸爻餘皆自取

巽為木為風為長女為繩直為工為白為長為

說卦傳

高為進退為不果為臭其於人也為寡髮為廣  
顙為多白眼為近利市三倍其究為躁卦

**本義**荀九家有為楊為鸛

張子曰陰氣凝聚陽在外者不得入

則周旋不舍而為風○進齋徐氏曰巽入也  
物之入者莫如木氣之善入者莫如風繩糾  
木之曲而取直者工引繩之直而制木者巽  
德之制故為繩直為工異少陰故於色為白  
木下入而上升故為長為高陰性多疑故為  
進退為不果陰伏於下氣鬱不散故為臭髮  
陰也陽盛於上為寡髮二陽在上為廣顙離  
為目反離中爻於下故為多白眼陰得乎陽  
故為近利市三倍或謂離日中為市而巽近  
之故有此象震為決躁巽三爻皆變則為震  
故其究為躁卦○融堂錢氏曰為木者幹陽  
而根陰也為長者風行也為高者木性也寡  
髮者陰血不升廣顙者陽氣上盛也○節齋  
蔡氏曰為進退不果者一陰盤旋於二陽之



下也。○臨川吳氏曰：臭者，香羶腥焦朽之五氣。凡物有聲、色、臭、味、聲、臭、屬陽；色、味、屬陰。巽二陽，外達，故為臭。反以三隅則震一陽，內主為聲。兌者，巽之反體，為味。艮者，震之反體，為色。也。為寡髮，為廣顙，為多白眼，皆上陽盛也。以頭言陰血盛者，髮多，陽氣盛者，髮少，以顙言陽體勝者，額廣，陰體勝者，額狹，以眼言白者，為陽，黑者，為陰。離目上，下白，而黑者，居中黑白相間，而停句，巽目上，中白，而黑者，在下上白多於黑也。為近利市三倍，義理陽也。利欲陰也。震陽在內，義理主於內也。故一剛為主於內之卦，為无妄，巽陰在內，利欲主於內也。故為近利，曰市三倍者，猶詩言賈三倍謂市物而得利三倍，近利之至甚者也。其究為躁，卦三畫皆變，則為震也。震之三畫皆變，則成巽，巽之中上二畫變，則成坤於震不變，其初畫之陽，而但變其中上二畫，故其究為乾而不為巽於巽先變其初畫之陰，而盡變其初、中、上三畫，故其究為震而不為坤。蓋喜陰卦為陽卦，陽卦為純陽卦，而不欲陽卦為陰。

說卦傳

周易傳義大全卷二十四

二十六

艮為山為徑路為小石為門闕為果蓏為閭寺

為指為狗為鼠為黔喙之屬其於木也為堅多

節蓏力火反黔其  
庶反喙况廢反

**本義**荀九家有為鼻為虎為狐陳安卿說麻

鼻朱子曰鼻者面之山晉管輅已如此說○  
鄭氏正夫曰靜以止者山也○臨川吳氏曰

為徑路徑者路之小也艮者震之反體高山  
之上成蹊非如平地之大塗也為小石剛在

坤土之上象山頂高處之小石坎剛在坤土  
之中則象平地土中之大石也為門闕闕者

門之出入處上畫連亘中下二畫雙峙而虛  
似門闕也為果蓏果者木實蓏者草實乾純

剛故為木果艮一剛在上者木之果二柔在  
下者草之蓏為鼠為黔喙之屬皆謂前剛也

黔字當與鈐通以鐵持束物者黔喙之屬山  
居猛獸齒牙堅利如鐵能食物者黔喙之屬其於



木也為堅多節剛在外也。○平庵項氏曰震為專為蕃鮮草木之始也艮為果蓏草木之終也果蓏能終又始故於艮之象為切。○開封耿氏曰周官閭人掌王之宮中門之禁止物之不應入者寺人掌王之內人及宮女之戒令止物之不得出者皆為阻於前而衛內之柔者也。○泠氏曰鳥善以喙止物者黔喙之屬也巽能曲直故為木之全材坎陽內故堅多心艮陽上故堅多節離為火於木生盛則藏於本生衰則顯於末故為科上槁。○白雲郭氏曰三陽卦艮獨不言馬者其剛在上所用益小故於獸畜无行健之功徒有齒噬之象。○雙湖胡氏曰艮為山一陽高出二陰之上而止其所也為指艮為手而所用以止物者又在指也又按夫子取艮卦象如石本之豫互體之爻如鼠本之晉互體之爻如果本之剝上爻此

兌為澤為少女為巫為口舌為毀折為附決其

於地也為剛鹵為妾為羊

鹵力杜反

**本義**荀九家有為常為輔頰

進齋徐氏曰陰停於外故為澤

為巫為舌之官以口語說神者兌上折口象故

柔附於剛剛乃決柔故曰附決潤極故為剛

鹵陽在下為剛陰在上為鹵剛鹵之地不能

生於上則足以為鹵而已○坎水絕于下而澤見

從姊為姊故為妾內狠外說故為羊○漢上

朱氏曰澤者水之聚二陽沈於下一陰見於

上坎兌一也故坎壅成澤澤決成川口者說

見於外也舌者動於內也○鄭氏正夫曰通

乎幽者以言說乎神故為巫交乎顯者以言

說乎人故為口舌○融堂錢氏曰為毀折上

柔象為剛鹵水本柔也凝而鹵陽聚於下也

○息齋余氏曰陰在上皆有決義震陽動故

躁兌陰說故附決躁者有所去以達其怒也

附決者始雖親而動不免於去也○平庵項



氏曰地之鹵非不潤也暫燠而乾已而復潤  
天下之潤者莫久焉然不生物以其潤氣之  
在外也見於外者其土則甘而為雨露之凝  
為霜其下則鹹而為鹵鹵之凝也為鹽二者  
皆殺物之具也鄭以梅謂剛者出金鹵者出  
鹽雖不生五穀而實藏興焉此天地之仁也  
○沙隨程氏曰八卦之象八物而已充其類  
則有所謂百物不廢者極其說則又可以類  
萬物之情然說卦之象有與卦爻相符者如  
乾為天坤為地之類是也有與卦爻相符者如  
者如乾之類龍而不必在震坤屯稱馬而不  
必在乾之類是也有見於卦爻而說卦不載  
者如漸之鴻中孚之豚魚之類是也有見於  
說卦而卦无之者如為釜為布為羸為蚌之  
類是也若夫大琴謂之離小蠱謂之坎此見  
於他書而易與說卦又可以類推也○進齋  
徐氏曰易道无窮苟通其類可以盡利王弼  
所謂忘象忘言固非說卦之意而荀九家又  
逐一附益於說卦之後亦  
豈足以盡擬議之神哉

右第十一章

**本義**此章廣八卦之象其間多不可曉

者求之於經亦不盡合也

雲峯胡氏曰此章廣八卦

之象凡百十有二本義以為多有不可曉蓋有當解者有不必強解者其中有

相對取象者如乾為天坤為地之類是也上文乾為馬此則為良馬老馬瘠馬

駁馬良取其德老取其知瘠取其骨駁取其力皆取其健也上文坤為牛此則

為子母牛取其生生有繼無取其順也乾為木果結於上而圓坤為大輿載於

下而方震為決躁巽為進退為不果剛柔之性也震巽獨以其究言剛柔之始

也坎內陽外陰水與月則內明外暗離內陰外陽火與日則內暗外明坎中實

故於人為加憂為心病為耳痛離中虛故於人為大腹艮為闔寺為指陽之止



也兌為巫為口舌陰之說也有相反取  
象者震為大塗反而艮則為徑路大塗  
陽闢乎陰无險阻也徑路陽阻而下陰  
不能闢也巽為長為高反而兌則為毀  
折長且有高者陽之上達毀而折者陰之  
上窮也有相因取象者乾為馬震得乾  
初之陽故於馬為善鳴鼻是作是顙  
震陽下而陰上也坎得乾中爻之陽故  
於馬為美脊亟心下首薄蹄曳坎陽中  
而陰外也善鳴似乾馬之良美脊似乾  
馬之瘠也作是者陽下而強薄蹄者陰  
下而弱也坤為大輿坎為輿為多眚坤  
中虛而力能載坎中滿而下无力也巽  
為木榦陽而根陰也坎中陽故於木為  
堅多心艮上陽故於木為科上槁震為  
陰而虛故於木為陽花之數乾之三陽  
木果震之一陽花之數乾之三陽果之  
結乾為木果艮為果蓏果陽在上果蓏  
陽上而陰下也有一卦之自相因取  
象者坎為隱伏因而為盜巽為繩直因

而為工艮為門闕因而為閭寺兌為口  
舌因而為巫有不言而互見者乾為君  
以見坤之為臣乾為園以見坤之為方  
吝嗇者陰之翕也以見天之高為文者  
離而可見也知天之始於乾者不可見  
為柄者有形之可執也乾之氣不可執  
矣離為乾卦以見坎之為濕坎為血卦  
以見離之為氣巽為臭以見震之為聲  
巽離兌三女震為長子而坎艮不言者  
尊嫡也於陽之長者尊之也兌少女為  
妾而巽離不言者少女從姊為婦於陰  
之少者卑之也乾為馬震坎得乾之性  
皆言馬而艮不言者艮止也止之性非  
馬也他太極而類而通矣○樂氏中行  
曰易自太極而分陰陽變化在物莫非  
象也為馬為首稱乎父三章正象也為  
天以下八章別象也今以一物言之使  
人以類觀則八卦何物而不具且乾為  
馬為首以下亦馬一體象也男女之分



亦馬牝牡象也別而言之於乾又有良  
老瘠駁之不同於震又有善鳴鼻足作  
首的顙之各異於坎又有義脊豎心下  
之豈一端哉又曰此八卦別象然自坤  
而降或曰其於地其於人其於馬其於  
與其於稼其於木唯乾无之何也蓋物  
不足於盡卦則正言為天為地之類卦  
不足以盡物則有其於人其於木之類  
至於乾之為道无不周徧萬物皆不足  
以盡之故无所言焉八卦之象反而求  
之皆不出吾身而已精之為道德性命  
粗之為形色聲容內之為視聽言動外  
之為君臣父子大兩至之於手是微而  
於爪髮皆不越乎八卦至八卦何物也  
極也太極何物也至中至正不偏不倚  
道之大原也人徒知以七尺之軀戴天  
履地飢食渴飲與造化日夜運轉消息  
盈虛屈伸往來之中孰知自頂至踵大  
之與我者有如是至精至妙至廣至大

之理是吾身也大而天地微而蟲魚草木幽而鬼神之理明而天地變之迹亦然也上極天地之始下極天地之終亦然也吾能反身而誠默而識之不言而信則大足以參天地微足以育庶物幽无愧於神明无忤於人直與天地相為終始是則豈直侯不惑而已至所謂象者真筌蹄耳○雙湖胡氏曰說卦之象夫子自取為多括前聖之例為少故求之於經不盡合也嘗考之說卦所論八卦之分也自邵子發明之初未嘗有先後之義文之不易辨明於世而夫子表章之後方位之不同始各有歸着俾學者觀於卦位之對待流行而先後天之分較然矣今觀第六章自神也者妙萬物而為言至莫盛乎艮是承前章論後天八卦之位自水火不相逮至既成萬物也仍自是先天八卦位次次啓蒙亦已言之矣若



序卦傳

王觀已成之卦推未明之象以為說而  
謂之後天之學入用之位竊謂自七章  
至篇末十一章皆先天八卦位次而夫  
子推未明之象以為說故其卦次與第  
三章第四同  
姑附臆說于此

程子曰韓康伯謂序卦非易之蘊此不合  
道○或問序卦非聖人之書信乎朱子曰  
此沙隨程氏之說也先儒以為非聖人之  
蘊某以為謂之非聖人之精則可謂非易  
之蘊則不可周子分精與蘊字甚分明序  
卦却正是易之蘊事夾雜都有在裏面  
問如何謂易之精曰如易有太極是生兩  
儀兩儀生四象四象生八卦這易之精  
問如序卦中亦見消長進退之義喚作不  
是精不得曰此正是事夾雜有在裏面  
正是蘊須是自一箇生出以至於无窮便  
是精○序卦首言天地萬物男女夫婦是

因咸恒為夫婦之道說起非如舊入分天  
道入事之說大率上經用乾坤坎離為始  
終下經便當用艮兌巽震為始終。問易  
上經三十卦下經三十四卦多寡不均何  
也。曰卦有正對有反對也。正對乾坤坎  
離不變故反覆中孚小過八卦正對也。正  
觀之止成八卦覆觀之餘五十六卦反對  
對者皆變故反卦覆觀之共二十六卦對  
對卦合反對卦觀之總而為三十六卦其  
在上經不變卦凡六乾坤坎離順大過是  
也。自屯蒙而六則十八卦反之則為十二  
以十二而加六則十八卦反之則為十二  
卦凡二中之孚小過是也。自咸恒而三  
二卦反之則為十六卦以十六而加二亦十  
八也。其多寡之數則未嘗不均也。臨川  
吳氏曰義皇六十四卦之序始乾終坤蓋  
奇畫偶畫之上每加一奇一偶二而四四  
而八八而十六十六而三十二三十二而六  
十四乃其生卦自然之序非人所安排也  
後之易各因義皇之卦而序其序不同如連



序卦傳

山之首艮歸藏之首乾坤不復可知其六十  
四卦之序何如矣始乾坤終既濟未濟者  
周易六十四卦之序也蓋文王既立卦名  
之後而次其先後之序如此皆以施用於  
人事者起義而疑其非為之傳以發明其卦  
序之意或者謂非聖人之蘊其間雖无極至  
精義大槩皆有易思今欲安置一物猶求  
審處况聖人之於易必須布遍精密如是  
大匠豈以一斧可知哉○雙湖胡氏曰文  
王序卦大抵本先天圖以東西南北四方  
正卦乾坤坎離為上經之始終以西北隅  
艮東南隅兌合兩為咸西南隅巽東北隅  
震合兩為恒四隅反卦為下經之始而終  
之以坎離四純卦皆居上經震巽艮兌四  
坤坎離四純卦皆居下經又以反對為次  
舊而先天一圖大旨則備見焉夫非伏羲  
直以卦名裁其次第之義而他則未暇及  
耳又按呂氏要指曰易變易也天下有可

變之理聖人有能變之道反需為訟泰為否隨為蠱晉為明夷家人為睽此不善變者也反剝為復遯為壯蹇為解損為益困為井此善變者也復遯為壯蹇為解損為益困則危可安亂可治特在一轉移間爾後天之學其以人事贊天地之妙歟又嘗合上下經始終而論之乾坤天地也坎離水火也以體言也咸恒夫婦也既未濟水火之交不交也以用言也上經以天道為主具人道於其中下經以人道為主具天道於其內三才之間坎離最為切用日月不運寒暑不成矣民非水火不生活矣心火炎燥而下降腎水涸竭而不升百病侵陵矣故上下經皆以坎離為終焉

# 有天地然後萬物生焉

臨川吳氏曰此言乾坤所以為上經之首也天地謂乾坤二卦○雙湖胡氏曰乾坤為上經主自坎離外諸卦皆乾坤會遇



盈天地之間者唯萬物故受之以屯屯者盈也

屯者物之始生也

張子曰聚而不得出故盈雖雷亦然○平庵項氏曰屯不訓盈剛柔始交雷兩動盈其氣充盈故謂之盈耳謂物之始生者其時也若屯之訓紛紜盤錯之義耳

物生必蒙故受之以蒙

雙湖胡氏曰乾坤後次屯蒙者震坎艮以三男代父母用事雖无乾坤正體然三男實坤三索於乾而得有互體之坤亦是坤與三男會也

蒙者蒙也物之穉也物穉不可不養也故受之以需需者飲食之道也

漢上朱氏曰幼稚而无以養之則天閼不遂蓄德養才者亦然○南軒張氏曰需者乃養

序卦傳



周易傳義大全二十四

三十五

之以中正為飲食之道也。雙湖胡氏曰：中正取五爻象，然需待亦有從容不迫，後其食道之。

飲食必有訟，故受之以訟。

漢上朱氏曰：乾餼以愆，豕酒生禍，有血氣者必有爭心，故次以訟。

訟必有衆起，故受之以師。師者衆也，衆必有所比，故受之以比。

雙湖胡氏曰：需訟之後，坤遇坎而為師，比自屯至比，三男卦震艮各一用坎獨六用者，亦見天地間水為最多，猶人一身无非血脉之流轉也。

比者比也，比必有所畜，故受之以小畜。物畜然後有禮，故受之以履。



張子曰德積則行必有方物積則散必有道  
○平庵項氏曰履不訓禮人之所履未有不  
於禮者故以履為有禮也○雙湖胡氏曰師  
比後乾方與巽兌會成小畜履此長少二女  
代兄從父始入用惟離中女未用耳乾坤  
至此十變十成數也陰陽之氣一周矣

履而泰然後安故受之以泰

**本義**

鼫氏云鄭无而泰二字

漢上朱氏曰禮

也所履者君子之大道故其心泰然而安故  
次之以泰○鄱陽董氏曰人有禮則安无禮  
則危正此意也

泰者通也物不可以終通故受之以否

商軒張氏曰治亂相仍如環无端物安有久  
通者乎故受之以否夫泰而驕所以致否否  
而畏所以復泰○雙湖胡氏曰小畜履後乾  
坤自相遇成泰否然乾坤十變方泰何其難

序卦傳

周易傳義大全二十一日

三十一

泰一變即否何其易履其交處其會者宜知警戒為變化持守之道可也

物不可以終否故受之以同人與人同者物必歸焉故受之以大有

陳水司馬氏曰否者物不相交之卦不相交則異異則爭爭則窮故受之以同人同人者所以通之也物通則大有矣○雙湖胡氏曰泰否兩後乾坤異處乾自與離相遇為同人而三女之卦全用矣

有大者不可以盈故受之以謙

漢上朱氏曰認物之歸為己有者必驕驕則亢滿大復為累矣有大者不可盈故次以謙

有大而能謙必豫故受之以豫

雙湖胡氏曰同人大有後坤又自與艮震相遇成謙豫亦為長少二男之從母也至此震



艮二男復用事矣

豫必有隨故受之以隨以喜隨人者必有事故

受之以蠱

漢上朱氏曰以喜隨人必有所事臣事君子  
事父婦事夫弟子事師非樂於所事者其肯  
隨乎○雙湖胡氏曰謙豫後震兌巽艮會男  
女長少成隨蠱若無預乾坤其實乾坤三陰  
三陽雜居隨自否初上變蠱自泰  
初爻上變謂非由於乾坤可乎

蠱者事也

平庵項氏曰蠱者壞也物壞則萬事  
生矣事因壞而起故以蠱為事之先

有事而後可大故受之以臨

韓氏康伯曰可大之業由事以生○臨川  
吳氏曰因蠱之有事而後有臨之盛大也

序卦傳

周易傳義大全卷三十一 四 三十一

臨者大也

平庵項氏曰臨不訓大者以上臨下以大臨小凡稱臨者皆大者之事故以大稱之若豐者大也則真訓大也是以六十四卦有二大而不相妨焉。南軒張氏曰臨者二陽進而四陰退駸駸向於大矣

物大然後可觀故受之以觀

以觀之觀去聲餘如字

臨川吳氏曰物之小者在下視之而不見必大而後可以觀也以臨卦二陽之大反易其體則大者在上矣故為在下四陰之所觀。南軒張氏曰天下皆山也唯泰山可觀天下皆水也唯東海可觀蓋物大然後可觀。人乎。雙湖胡氏曰隨蠱而後坤與兌巽相遇而為臨觀亦為長。少二女之從母也

可觀而後有所合故受之以噬嗑



漢上朱氏曰在上无可觀在下

引而去矣非可觀而能有盍乎

嗑者合也物不可以苟合而已故受之以賁

賁者飾也致飾然後亨則盡矣故受之以剝

南軒張氏曰賁飾則貴於文之太過則又

序卦傳

周易傳義大全卷之四

三十八

其不通故受之以剥

剥者剥也物不可以終盡剥窮上反下故受之以復

漢上朱氏曰此周末所以不勝其弊文之末流也物窮則反不可終盡剥陽窮於上而終反於下故次之以復○雙湖胡氏曰噬嗑賁後坤遇艮而成剥復亦為長少二男之從母也

復則不妄矣故受之以无妄

漢上朱氏曰復天理則无妄无妄則其動也天○息齋余氏曰自有事而大大而可觀可觀而合合而飾所謂忠信之薄而偽之始也故一變而為剥剥而復則真實獨存而不妄矣



有**无妄**然後可**畜**故受之以**大畜**

漢上朱氏曰前曰比必有所畜者比而後畜其畜也小故次以小畜无妄然後物物循理乃可大畜故次之以大畜。閻氏彥升曰无妄然後可畜所畜者在德故曰大。雙湖胡氏曰剥復而後乾遇震艮而成无妄大畜亦為長少二男之從父也

**物畜**然後可**養**故受之以**頤**

南軒張氏曰畜然後可推以養人故受之以頤

**頤者養也**不**養**則不可**動**故受之以**大過**

或問不養則不可動故受之以大過何也朱子曰動則過矣故小過亦曰有其信者必行之故受之以小過。平庵項氏曰需當物生之初如兒之以須乳留之須既故曰飲食之道頤當畜聚之極萬物交致其養故曰養也。閻氏彥升曰養者君子所以成已動者君子

所以應物然君子處則中立動則中行豈求勝物哉及其應變則有時或過故受之以大過○雙湖胡氏曰无妄大畜後震艮巽兌雖男女長少自合成順大過然順互兩坤大過互兩乾謂之无乾坤不可也自乾坤至此无一卦无乾坤信矣

物不可以終過故受之以坎

雙湖胡氏曰物不可終過故受以坎之辭蓋以中為貴以坎之陽中而節其過則无過矣下文又以陷言之

坎者陷也陷必有所麗故受之以離離者麗也

張子曰一陷溺而不得出為坎一附麗而得出為離○龜山楊氏曰坎者陽也必有所麗則庶可以扶危拯溺不有所麗而一於陷者不可也作易者於坎後必繼以離豈无仁民愛物之心哉○雙湖胡氏曰順大過而後坎離從焉順似離大過似坎固也順初二五上



變則為重體之坎大過初二  
五上變亦為重體之離矣

**本義**

**右** **上** **篇**

臨川吳氏曰呂大圭云序卦之  
意有以相因為序如屯蒙需訟

是也有以相反為序如泰否同人  
是也天地間不出相反相因而已

有天地然後有萬物有萬物然後有男女有男  
女然後有夫婦有夫婦然後有父子有父子然  
後有君臣有君臣然後有上下有上下然後禮  
義有所錯

或問太極圖下二圈固是乾道成男坤道成  
女是各有一太極也如曰乾道成男坤道成  
女方始萬物化生此却云有天地然後有萬  
物有萬物然後有男女是如朱子曰太極  
所說乃生物之初陰陽之精自凝結成兩箇  
後來方漸漸生去萬物皆然如牛羊草木皆

牝牡一為陽一為陰萬物有生之初亦各自  
有兩箇故曰二五之精妙合而凝○問六十  
四卦獨不言咸何也曰夫婦之道即咸也亦  
如上卦經不言乾坤但言天地則乾坤可見也  
○問錯字陸氏有兩音曰只作措字謂禮義  
有所施設耳○南軒張氏曰上經不言乾坤  
下經不言咸者蓋乾坤者萬物咸初无所受故也  
○龜山楊氏曰乾坤者萬物咸初无所受故也  
父母夫婦之所由也後言父子君臣上下者有  
夫婦之所致也有夫婦則其所以生為父子由  
家而國雖非父子而君尊臣卑之分如父子  
也由國而天下雖非君臣而尊卑貴賤之分  
如君臣也禮義所以分別尊卑貴賤之等錯  
猶置也乾坤咸不出卦名者以其為上下篇  
之首卦特別異之○平庵項氏曰上下既具  
則拜趨坐立之節形而宮室車旗之制設其  
行之必非有文故謂之禮辨之必有理故謂之  
義禮義者非能制為人倫也  
有義人倫而後禮義行其間耳



夫婦之道不可以不久也故受之以恒

雙湖胡氏曰咸恒為下經之主自既未濟外諸卦皆艮兌巽震之會遇

恒者久也物不可以久居其所故受之以遯

閻氏彥升曰不可以久居其所此以物言之也○雙湖胡氏曰此又借恒之名以論物義

若夫夫婦之道豈可以不

遯者退也物不可以終遯故受之以大壯

雙湖胡氏曰咸恒而後艮震遇乾而為遯壯亦為父之臨二男也

物不可以終壯故受之以晉

或問壯與晉何別朱子曰不但如此壯而已又更須進一步也

晉者進也進必有所傷故受之以明夷

閻氏彥升曰知進而不知消息盈虛與時  
偕行則傷之者至矣故受之以明夷○雙湖  
胡氏曰遯中女雖無震巽艮兌然有互艮  
母之臨中女雖無震巽艮兌然有互震  
亦猶上經屯蒙雖無乾坤  
正體而實未嘗不互坤也

夷者傷也傷於外者必反其家故受之以家人

閻氏彥升曰以利合者迫窮禍患害相棄也  
以天屬者迫窮禍患害相收也明夷之傷豈  
得不反於家人乎

家道窮必乖故受之以睽

南軒張氏曰夫家有父子之親夫婦之愛然  
身不行道則父子夫婦無復親矣此家道窮  
則乖離所以次睽也

睽者乖也乖必有難故受之以蹇  
難乃旦反下同



平庵項氏曰凡言屯者皆以為難而蹇又稱難者卦皆有坎也然屯動乎險中行乎患難者也蹇見險而止但為所阻難而不前耳非患難之難也故居屯者必以經綸濟之遇蹇者待其解緩而後前難易固不侔矣

蹇者難也物不可以終難故受之以解

雙湖胡氏曰家人睽而後艮震遇坎而為蹇解自遯至解八卦艮震巽兌之遇乾坤離坎也自成一局

解者緩也緩必有所失故受之以損

或問序卦中如所謂緩必有所失似此等事忍後入道不到朱子曰然問緩字忍不是遲緩之緩乃是解怠之意故曰解緩也曰緩字是散意問如縱弛之類否曰然

損而不已必益故受之以益

雙湖胡氏曰蹇解而後損益次之者咸十卦變之盡為損而艮上兌下恒十卦變之盡為

益而巽上震下亦猶上經乾坤十變而有否泰也

益而不已必決故受之以夬

漢上朱氏曰益久則盈盈則必決隄防故次夬

夬者決也決必有所遇故受之以姤

雙湖胡氏曰上決一陰一陰下復一陽猶可也今上決一陰下遇一陰姤論卦名相次又曰損

益而後兌巽遇乾而成夬姤亦為父之臨二女也乾體止於此

姤者遇也物相遇而後聚故受之以萃萃者聚也聚而上者謂之升故受之以升

南軒張氏曰天下之物散之則小合而聚之則積小以成其高大故聚而上者為升也○



雙湖胡氏曰夬姤而後兌巽遇坤而成  
萃升亦為母之臨二女也坤體止於此

升而不已必困故受之以困困乎上者必反下

故受之以井

雙湖胡氏曰萃升而後  
兌巽遇坎而成困井

井道不可不革故受之以革

漢上朱氏曰井久則穢濁不食  
治井之道革去其害井者而已

革物者莫若鼎故受之以鼎

雙湖胡氏曰困井而後兌巽遇離而成革鼎  
自夬至鼎八卦皆兌巽之遇乾坤坎離也又

自成  
一局

主器者莫若長子故受之以震長反丁

序卦傳

漢上朱氏曰鼎者宗廟之器  
主之者莫如震震長子也

震者動也物不可以終動止之故受之以艮

漢上朱氏曰震一陽動於下艮一陽止於上  
動極則止故受之以艮○雙湖胡氏曰革鼎

而後震艮  
純卦次之

艮者止也物不可以終止故受之以漸

南軒張氏曰漸者止於下而漸  
於上不終於止而有所進也

漸者進也進必有所歸故受之以歸妹

閻氏彥升曰晉者進也晉必有所傷漸者進  
也進必有所歸何也曰晉所謂進者有進而

已此進必有傷也漸之所謂進者漸進而已  
為有不得所歸者乎○雙湖胡氏曰夫子詩

借歸之一字以論其序非以明卦旨也又曰  
震艮而後艮巽兌震又自相遇而為漸歸妹



亦咸恒下二體合為歸妹也

得其所歸者必大故受之以豐

漢上朱氏曰前曰與人同者物必歸焉故受之以大有此曰得其所歸者必大有次同人者處大之道也豐次歸妹者致大之道也○雙湖胡氏曰亦借歸字從論致豐之由非取歸妹義矣

豐者大也窮大者必失其居故受之以旅

臨川吳氏曰臨之大以其所臨之二陽為大豐之大以其卦名為盛大之義○雙湖胡氏曰漸歸妹後震艮遇離成豐旅

旅而无所容故受之以巽巽者入也入而後說之故受之以兌

說音悅下同

序卦傳

周易傳義大全二十四

四十一

平庵項氏曰人之情相拒則怒相入則說故入而後說之○雙湖胡氏曰豐旅而後巽兌吹之卦

兌者說也說而後散之故受之以渙渙者離也物不可以終離故受之以節

雙湖胡氏曰巽兌又自出而遇坎以成渙節

節而信之故受之以中孚有其信者必行之故受之以小過

平庵項氏曰有其信猶書所謂有其善言以此自負而居有之也自恃其信者其行必果而過於中○臨川吳氏曰過者行動而踰越之也故大過云動小過云行凡行動未至其所以為未及既至其所為至既至而又動又行則為踰越而過也○雙湖胡氏曰渙節後兌



巽艮震自相遇為中孚小過亦咸恒上下二  
體交互相重成卦也咸恒一變損益再變漸  
歸妹三變中孚小過  
陰陽各從其類焉

### 有過物者必濟故受之以既濟

南軒張氏曰能高於人而過之然後可以濟  
天下○平庵項氏曰大過則踰越常理故必  
至於陷小過或可濟  
事故有濟而無陷也

### 物不可窮也故受之以未濟終焉

平庵項氏曰坎離之交謂之既濟此生生不  
窮之所從出也而聖人猶以為有窮也又分  
之以為未濟此即咸感之後繼之以常久之  
義也蓋情之交者不可以久而無弊故必分  
之正者終之入之心腎其氣何嘗不交而心  
必在上腎必在下不可易也觀此可以知既  
濟未濟之象矣○雙湖胡氏曰中孚小過後  
離坎重為既未濟為下經之終中孚小過似

離坎固也中孚二三四五各易位亦為坎矣

本義 右下篇

雜卦傳

朱子曰雜卦反對之義只是反覆則其吉凶禍福動靜剛柔皆相反也○序卦雜卦則箇然雜卦中亦有那无緊要底道理也說張氏曰序卦所以有言易道之常雜卦所以言易道之變此古有是言也殊不知易之雜卦乃言其卦畫反對各以類而言之非雜也於雜之中而有雜者存焉○臨川吳氏曰序卦上經三十卦下經三十四卦以反對觀則上經十八卦下經十八卦也此篇仍其反對之偶而不仍其先後之序故曰雜其義則以明六十四卦所主之爻也○雙湖胡氏曰雜卦自乾至困非但當上經三十卦實雜下經十二卦於其中



乾剛坤柔

咸至六卦非但當下經三十四卦亦雜上經  
十二卦於其中雜中不雜必有至理又嘗  
觀以六者蓋夫以五陽決一陰決去一陰  
則復為純乾矣故曰君子道長小人道憂  
也張子曰純乾為君子謀大戒言矣○息齋  
余氏曰雜卦一篇乃序卦之變通也序卦  
自乾坤兩卦下三十篇自咸恒兩卦下三十四雜  
卦亦然序卦反對雜卦亦多反對此其所  
同也序卦以乾坤兩篇大過坎離在上篇中  
孚小過在下篇故二篇反對皆成十八卦  
雜卦但以乾坤兩篇餘盡在下篇又自  
大過以下不復反對此其所異也○廬陵  
龍氏曰按春秋傳釋繫辭所謂屯固比入  
坤安震殺之屬以一字斷卦義往往為經  
書多有之雜卦此類是也夫子存之為經  
羽翼非創作也

朱子曰剛柔雖若各有所偏必相錯而後得中然在乾坤二卦之全體當剛而剛當柔而柔則不待相錯而不害其全矣其爻位之無過不及者如乾坤之二五亦不待相錯而不在害其為中矣陰陽變化而太極之妙無不在焉於此蓋可見也若謂乾剛坤柔便有所偏則於二卦之象及二五之爻有不通者○漢上朱氏曰乾坤易之門剛皆乾柔皆坤剛柔雜成諸卦故曰乾剛坤柔○臨川吳氏曰六十四卦至乾而極然後見乾為純剛坤為純柔初起至上而極然後見乾為純剛坤為純柔故乾主上九坤主上六乾坤六陽六陰之卦上為主夫剥五陽五陰之卦五為主大壯觀四陽四陰之卦四為主泰否三陽三陰之卦三為主臨遯二陽二陰之卦二為主復姤一陽一陰之卦初為主此十二卦主爻與術家同

比樂師憂



東坡蘇氏曰有親則樂動衆則憂○閻氏彥升曰比順從故樂師行險故憂○息齋余氏曰在上而得衆故樂居下而任重故憂中天而後已成敗利害非民比之樂也鞠躬盡力死而後已成敗利害非民比之樂也○臨川吳氏曰比九五居上為顯比之主故樂師九二居下為行師之主故憂

臨觀之義或與或求

**本義**以我臨物曰與物來觀我曰求或曰二

卦互有與求之義

朱子曰臨觀更有與求之義臨以二陽言之則六五上六

又可以臨上四陰以卦中爻言之則六五上六又以上而臨下○臨川吳氏曰臨九二二陽

侵長在上之陰不敢以勢臨之而與之以俟其上進觀六四四陰已盛然不進逼犯陽而

統率三陰居下以求觀九五之中正

屯見而不失其居蒙雜而著見賢

**本義** 屯震遇坎震動故見坎險不行也蒙坎

遇艮坎幽昧艮光明也或曰屯以初言蒙以

二言節齋蔡氏曰屯物之始生故見主初也

生故雜二為蒙主而能治之使明故著○

氏中行曰在蒙昧之中雖未有識別而善理

昭著○臨川吳氏曰屯蒙皆二陽之卦屯九

五見於上卦二陰之中而為主其下一陽則

動於坎險之內而固守故曰不失其居蒙九

二雜於下卦二陰之中而為主其上一陽則

止於坎險之外而光明故曰著坎陽陷於陰

中一也見者陽在上卦之天而位顯雜者陽

震起也艮止也損益盛衰之始也



節齋蔡氏曰震陽起于下艮陽止于上損益盛  
盛之始益者衰之始○息齋余氏曰損益盛  
衰之始泰否之變也○鄱陽董氏曰損益者入  
之所憂也而乃為盛之始益者人之所害也  
而乃為衰之始則其可迷而不悟哉  
幾進退存亡之理

大畜時也无妄災也

**本義**止健者時有適然无妄而災自外至節齋

蔡氏曰剛健者難畜當剛止之時故能畜莫  
非災也无妄之災乃所謂災也○息齋余氏  
曰止有靜中之得故大畜曰時動有慮外之  
失故无妄曰災○樂氏中行曰禍非自取曰  
災

萃聚而升不来也

節齋蔡氏曰澤聚而下木升而上○臨川吳  
氏曰萃以觀之四往上下為主而同类之三陰

聚於下升以臨之三來初為主而同類之三  
陰升於上升上為往降下為來不來謂升而  
不降也

### 謙輕而豫怠也

朱子曰謙輕是自謙抑不自尊重○問謙何  
以為輕曰輕是自卑小之義說豫之極便發  
倒了如上文實豫是也○朱氏中行曰謙者  
視已若甚輕豫則有滿盈之志而怠矣○臨  
川吳氏曰謙一陽居下卦之上為謙卑之主  
而不尊大故自小而輕豫一陽居上卦之下  
為豫樂之主而志  
滿足故自肆而怠

### 噬嗑食也賁无色也

**本義**

白受采

節齋蔡氏曰頤中有物故食賁  
則其色不常故无色○白雲郭

氏曰賁以白賁无咎故无色則質全有天下  
之至賁存焉○息齋余氏曰食色人情所不



免噬嗑曰食而賁曰无色者蓋色至於賁則易過矣故戒之○臨川吳氏曰噬嗑以否初

兌見而巽伏也

見賢遍反

**本義**兌陰外見巽陰內伏

楊氏曰柔一也居於上者為見處於

下者為伏

隨无故也蠱則飭也

**本義**隨前无故蠱後當飭

柴氏中行曰隨以无故為善有欲皆

利心也又曰不主於故隨時而行也○平庵項氏曰隨以无故而偷安蠱以有故而脩飭故聖人不畏多難而畏无難也○息齋余氏曰隨從否變欲捨其故蠱從泰變欲飭其後

剥爛也復反也

漢上朱氏曰剥爛五陰漬於內也○進齋徐氏曰剥爛則陽窮於上復反則陽生於下猶果之爛墜于下則可種而生矣

晉晝也明夷誅也

**本義**誅傷也節齋蔡氏曰晉離在上而明著夷節離在下而明傷○自雲郭氏

曰晉與明夷朝暮象也故言明出地上明入地中○臨川吳氏曰晉六五離日當天畫也

明夷六二離日入地明者夷傷也誅即夷傷之義

井通而困相遇也

**本義**剛柔相遇而剛見揜也白雲郭氏曰往來井井則其道

通困遇剛揜所以為困○平庵項氏曰以通與遇為反對則遇為相抵而不通之象矣巽

之上爻主塞坎水之上源而井之坎乃出其上蓋塞而復通者也故謂之道兌之下爻主



塞坎水之下流而困之坎適在其下正遇其  
塞所以困也自乾坤至此三十卦正與上經  
之數相當而乾坤咸恒上下經之首則未嘗  
雜以雜名而乾坤咸恒上下經之始以此見卦  
也雜

咸速也恒久也

**本義**

咸速恒久

白雲郭氏曰感為天下至速之道所謂不疾而速者也○

節齋蔡氏曰有感則應故速常故能久

渙離也節止也

節齋蔡氏曰風散水故離澤防水故止○平  
庵項氏曰渙節正與井困相反井以木出水  
故居塞而能通渙則以水浮木故通之極而  
至於散也節以澤上之水故居通而能塞困  
為澤下之水故塞之極而至於困也○臨川  
吳氏曰渙九二坎水在巽風之下為風所離

雜卦傳

周易傳義大全卷二十四

五十一

周易傳義大全卷二十一 五十一

散節九五坎水在兌  
澤之上為澤所節止

解緩也蹇難也

旦反乃

張子曰天下之難既解故安於佚樂每失於  
緩蹇者見險而止故為難○臨川吳氏曰解  
九二坎陷在內震則出險而動於外內險已  
解緩也蹇九五坎險在外艮則見險而止於  
內外險方艱難也

驂外也家人內也

進齋徐氏曰驂者踈而外也家人者親而內  
也○臨川吳氏曰驂六五在外為主家人六  
二在內為主

否泰反其類也

進齋徐氏曰否大往小來  
泰小往大來故曰反其類



大壯則止遯則退也

**本義**止謂不進

臨川吳氏曰大壯四陽進而消陰遯二陰進而消陽慮後

陽之恃其壯故不欲九四之進而欲其止慮前陽之不及遯故不欲六二之進而欲其退也聖人於五陽之去亦不欲陽之輕進於一陰之姤亦唯欲陰之不進蓋同此意也

大有衆也同人親也

漢上朱氏曰大有六五柔得尊位而有其衆衆亦歸之故曰大有衆也同人六二得中得位而同乎人人亦親之故曰同人親也

革去故也鼎取新也

去起呂反

漢上朱氏曰水火相革革已廢也故革去故以木巽火火方興也故鼎取新○平庵項氏曰革以火溶金故為去故鼎以木鑽火故為取新亦以離為主也

小過過也中孚信也

節齋蔡氏曰莫非過也小過之過乃所謂過也小者能過夫豈常理哉莫非信也中孚之信乃所謂信也信出于中夫豈邀約之所能致哉○臨川吳氏曰小過九四主也而為六五所過蓋陰盛能過陽衰不及也中孚六四主也而為九五所信蓋陽實能感陰虛能應也

豐多故親寡旅也

**本義** 既明且動其故多矣

平庵項氏曰卦名皆在句上旅獨在

下者取諷協也○潘氏夢旂曰物盛則多故旅寓則少親○楊氏曰昔華封祝堯而堯曰辯以豐則多故爾孔子當西周之時栖然一旅人者以旅則親寡爾○嵩山晁氏曰豐多故今本有也字按荀本无之



離上而坎下也

上時掌反

**本義** 火炎上水潤下

小畜寡也履不處也

**本義** 不處行進之義

雙湖胡氏曰寡一陰小義不處行履之義

需不進也訟不親也

漢上朱氏曰關子明云履而不處者其周公乎需而不進者其仲尼乎險在下而陽上行相違者也故曰訟不親也○平庵項氏曰需訟皆主乾言止坎下故不進違坎去故不親

大過顛也

進齋徐氏曰本末弱故顛○南軒張氏曰小過過而未顛過至於大故曰顛

姤遇也柔遇剛也漸女歸待男行也

朱子曰女待男  
而行所以為漸

### 順養正也

南軒張氏曰所養不正則是養其小者以害其大者矣○臨川吳氏曰順上九為主而下養五三以上養下所以為正也

### 既濟定也

節齋蔡氏曰六位皆當故定○  
潘氏夢旂曰事已濟則定矣

### 歸妹女之終也

雙湖胡氏曰女未嫁之稱  
既嫁為歸則女之終矣

### 未濟男之窮也

臨川吳氏曰既濟六二主也以陰居陰得其  
定位而上下五爻亦皆得其定位故曰定也



未濟九二主也以陽居陰失其正位而類  
二陽亦皆失其正位故曰男之窮也三陰亦  
不得正位不足言也○南軒張氏曰雜卦先  
言離坎後言既濟未濟則上下經之終亦未  
嘗離也

夬決也剛決柔也君子道長小人道憂也長丁

**本義**自大過以下卦不反對或疑其錯簡今

以韻協之又似非誤未詳何義朱子曰卦有

坎離是反艮兌震巽是對乾坤坎離倒轉也  
只是四卦艮兌震巽倒轉則為中孚頤小過  
大過其餘皆是對卦○問乾坤大過頤坎離  
中孚小過八卦翻覆不成別卦是如何曰八  
卦便是只是六卦乾坤坎離是四正卦兌便是  
翻轉底巽震便是翻轉底艮六十四卦只八  
卦是正卦餘便只二十四卦翻轉為五十六  
卦中孚便是箇大底離小過是箇大底坎又

曰中孚是箇雙來底離小過是箇雙來底坎  
大過是箇厚畫底坎順是箇厚畫底離○三  
畫之卦只是六卦即六畫一卦以正卦八加  
反卦二十有八為三十有六六六三十八也  
邵子謂之暗卦小成之卦八即大成之卦六  
十四八八六十四也二十六與六十四同○  
鄭氏康成曰自大過以下卦皆不協似錯亂  
失正弗敢改耳○節齋蔡氏曰按雜卦例皆  
反對協韻為序今以其例改正大過顛也順  
養正也既濟寔也末濟男之窮也歸妹女之  
終也漸女歸待男行也姤遇也柔遇剛也夬  
決也剛決柔也君子道長小人道憂也○建  
安丘氏曰今依蔡易讀之則八卦既得以類  
從而韻亦協但不當僭改經文爾○鄱陽董  
氏曰按蘇氏亦有改正自順大過而下數卦  
然不若蔡氏之妥○雲峯胡氏曰易終於雜  
卦而交易變易之義愈可見矣每一卦反覆  
為兩卦而剛柔吉凶每相反此變易之義  
也自乾坤至困三十卦與上經之數相當而  
雜下經十二卦於其中自咸至夬三十四卦



與下經之數相當而此雜上經十二卦於其中  
此交易之義也或曰此偶然爾愚曰非偶然  
也皆理之自然也坎離交之中者本居上經  
三十卦內今附於下三十四卦震艮巽兌交  
之偏者本居下經三十四卦內今附於上三  
十卦至若无反對者上經六卦卦內今附二卦今  
附於上者二卦氣除乾坤外上經泰否臨觀剥  
也十二卦氣除乾坤外上經泰否臨觀剥  
復陰之多於陽者十二今雜卦移否泰於三十四卦  
多於陰者十二今雜卦移否泰於三十四卦  
之中而陰陽之多少復如之特在上經者三  
十六畫在下經者二十四畫今附於上者二  
十四畫附於下者三十六畫愈見其交易之  
妙爾若合六十四卦論之上經三十卦陰爻  
之多於陽者八今則附於三十四卦陽爻之多於  
陰者亦八今則附於三十四卦陽爻七十二  
陰爻一百八兩陰多於陽者三十六附於三  
十四卦者陽爻一百二十陰爻八十四兩陽  
之多於陰者亦三十六以反對論上經陰之  
多於陽者四下經陽之多於陰者亦四今則

附於上者陽爻三十九陰爻五十七而陰爻  
多於陽者十八附於下者陽爻六十九陰爻  
五十一而陽之多於陰者亦十八或三十六  
或三十八互為多少非特可見陰陽交易之妙  
而三十六宮之妙愈可見矣是豈聖人之心  
思智慮之所為哉愚固曰伏羲之畫文王周  
公孔子之言皆天也本義謂自大過以下卦  
不反對或疑其錯簡今以韻協之又似非誤  
未詳何義愚切以為雜物撰德非其中爻不  
備此蓋指中四爻互體而言也先天圖之左  
互復順既濟家人歸妹睽夬乾八卦右互姤  
大過未濟解漸蹇剝坤八卦此則於右取姤  
大過未濟漸四卦於左取順既濟歸妹夬四  
卦各舉其半可兼其餘矣是雖所取不能无  
雜蓋此謂雜卦而互體又其最雜者也上三  
十卦終之以困柔揜剛剛也下三十四卦終之  
以夬剛決柔也柔揜剛剛君子不失其所亨剛  
決柔君子道長小人道憂矣然則天地間剛  
柔每每相雜至若君子之為剛小人之為柔  
決不可使相雜也雜卦之末特分別君子小




人之道言之聖人贊化育扶世變之意微矣  
始於乾終於夬或曰夬之一陰決盡則為乾  
也世以皇極經世考之乾包會之終堯舜雍熙  
之世也十二萬九千六百年安得常如自夬  
而乾所值堯舜之世哉嗚呼任賢勿貳去邪  
勿疑疑謀勿成即此所謂夬之決也後之治  
堯舜而巳矣

周易傳義大全卷之二十四

庚辰新刊  
內閣藏板





庚辰新刊  
內閣藏板



